

40 *Dis. 3. 93 (3)*
PRODROMUS MATHEMATICUS
SEU
PROLEGOMENA MATHEMATICA
UNA CUM
PROPOSITIONIBUS EX UNIVERSA MATHESI SELECTIS
ET
SUB GRATIOSISSIMIS AUSPICIIS
REVERENDISSIMI, PERILLUSTRIS, AC AMPLISSIMI
DOMINI, DOMINI
JOANNIS EVANGELISTÆ,
ORD. Ss. P. BENEDICTI AD QUERCUM SUPERIOREM
ABBATIS VIGILANTISSIMI
&c. &c.

IN EADEM QUERCU SUPERIORI
PUBLICO TENTAMINI SUBJECTIS
CONCINNATA, AC IN LUCEM EDITA

^A
P. JOSEPHO MARIA HIENDL,
BENEDICTINO IBIDEM PROFESSO.

ANNO MDCCLXV. DIE MENSIS SEPTEMBRIS.



RATISBONÆ,
TYPIS JOANNIS MICHAELIS ENGLERTH, Aulici & Episcopalis
Typographi.

*Omnia in mensura, & numero, & pondere disposuisti. Sap. c. 11.
v. 21.*

*Tanquam momentum statera sic est ante Te orbis terrarum, &
tanquam gutta roris antelucani, quæ descendit in terram.
ibidem v. 23.*



REVERENDISSIMO,
PERILLUSTRI,
AC
AMPLISSIMO
DOMINO, DOMINO
JOANNI EVANGELISTÆ,
ANTIQUISSIMI, AC EXEMPTI MONASTERII
OBERALTACENSIS
ORDINIS Ss. P. BÉNEDICTI
ABBATI VIGILANTISSIMO,
INCLYTÆ & ARCHIEPISCOPALIS UNIVERSITATIS
SALISBURGENSIS
ASSISTENTI,
NEC NON
ALMÆ, AC EXEMPTÆ CONGREGATIONIS
BENEDICTINO - BAVARICÆ
VISITATORI ORDINARIO DIGNISSIMO
&c. &c.
DOMINO DOMINO PRÆSULI, PATRI,
AC PATRONO SUO PLURIMUM GRATIOSO,
OBSERVANDISSIMO.

REVERENDISSIME,
 PERILLUSTRIS,
 A C
 AMPLISSIME
 DOMINE DOMINE PRÆSUL,
 DOMINE AC PATRONE
 PERQUAM GRATIOSE!



um magno illo Ecclesiæ Lumine Divo
 Chrysostomo teste optima beneficiorum
 custos sit ipsa memoria beneficiorum,
 & perpetua gratiarum confessio, quis tam injustus,
 tamque iniquus rerum arbiter extiterit, qui non in-
 telligat gratias TUAS prorsus singulares in me
 non collatas tantum, sed & in immensum cumula-
 tas animum meum eo exstimulasse, ut licet in
 tenuitate mea nec tantum virium, nec tantum elo-
 quentiæ, quam par foret, inveniam, ad easdem
 ta-

tamen etiam super teſta prædicandas in publicum prodire quocunque demum auſu attentaverim. **PRÆSUL REVERENDISSIME!** non ea hic memoro beneficia, queis me in ſæculo adhucdum degentem benevole exornasti, Parochus tunc temporis in Aittenboven Zelosiſſimus: neque illa ſingulatim adduco gratiarum munera, quibus me ſub ſacro ſanctiſſimi Patris, ac Legislatoris noſtri Benediſti vexillo militantem, quod ipſum **TIBI** prope uni & ſoli in acceptis refero, **TIBI** arctius, atque arctius devinxisti, ſed id ſolum, ne nempe, ſi ſingula enumerarem, aut eorum copia me obruat, aut alienorum invidia livido dente diſcerpat, palam profiteor, tantam **TUORUM** in me meritorum eſſe magnitudinem, ut nulla hora, nulla temporum vetuſtas, non caſus ullus, non fortuna eam poſſit diminuire. Ratiſbona, Schyra, Friſinga, Salipolis, & ipſa Quercus noſtra inclyta **TUAM** in me benevolentiam, ac inſignem prorsus munificentiam abunde proclamant, & vel muto ore teſtantur, **TE**, cum Jacobi celeberrimi illius Patriarchæ exemplo ductus veſtem polymitam omni ſcientiarum genere ac varietate intextam Joſepho porrigere ſtatuſſes, vel ideo ad celeberrima iſta muſarum Athenæa omnem mihi paraſſe viam. Et quamvis hos & alios **TUOS** in me favores, ac præſantiſſima gratiarum monumenta tot

Et tanta esse optime perspectum habeam, ut meae prosperitati vix quidquam superaddi posse nullo non tempore censuerim, hac una tamen **PRÆSUL REVERENDISSIME**, gratia, qua perquam benevole annuisti, ut pauca isthæc folia **MAGNO NOMINI TUO** muncuparem, ac sub gratiosis auspiciis **TUIS** publicum ex universa Matthesi specimen exhiberem, omnem sane omnium retro favorum cumulum ita superasse mihi visus es, ut nihil jam tot, tantisque gratiis ac favoribus accedere posse existimarem, ni benevolentiae tuæ campum prope immensum, Et gratiarum **TUARUM** fontem summe profundum esse rescirem; cum enim **NOMEN TUUM** in toto pene orbe terrarum resplendeat, ubivis locorum **MAGNUM** audiat, imo magnitudinis complementum, **TU** mihi hoc ipsum gratiose annuendo omnibus retro gratiis insignem sane perfectionem, Et maximum addidisti complementum.

Verum enim vero magna sint licet ista gratiarum munera mihi indigno licet hucusque collata, majora tamen adhuc supersunt scientiarum, ac virtutum **TUARUM** merita, uti imitatione dignissima, ita Et in **TE** summopere dilaudanda. Sed ad laudes **TUAS** descendere nequaquam mihi est animus: cum non ignorem

rem, modestiam **TIBI** ingenitam haud magis abs-
quocunque laudari velle, quam Alexandrum pingi vel
fingi, neque etiam si vellem, possem: verum quippe
cujusvis rei encomium nemo digne proferre potest,
nisi qui intimas ejus virtutes plane perspectas habet,
ac exploratas. • Quotusquisque autem est adeo per-
spicax, qui admirabilem **TUAM** in subditis regendis
providentiam ac prudentiam tam bene percipiat, quam
utilitates ex utraque hac virtute in se redundantes
sentiat, & obstupescat? Quotusquisque est **TUORUM**
olim discipulorum, qui non scientiarum **TUARUM**
magnitudine ac copia suffusus tacita potius mente eas-
dem admirari malit, quam palam deprædicare? Quo-
tusquisque est **TUORUM** subditorum, qui non de
TUA cura, vigilantia, & humilitate cum Tityro
Maroniano gloriari magis velit, quam penetrare in
mysteria **TUARUM** virtutum, quæ **TUOS** ita gu-
bernasti semper, hodieque gubernas, ut ex æquo &
illi de **TUO** sibi Regimine, & **TU** de illorum reveren-
tia, amore, & obsequio **TIBI** possis congratulari?
Quis unquam **TUAM** in laboribus constantiam, in
providendo consilium, ac in agendo solertiam sat digne
deprædicabit? quis **TUAM** in variis officiis fidem,
& integritatem, in negotiis difficillimis dexteritatem,
in rebus summi momenti magnanimitatem congrue
dila-

dilaudabit ? quis TUAM liberalitatem , munificen-
tiam , humanitatem , & reliqua virtutum TUARUM
decora dignis , ut par esset , laudibus condecorabit ?
Profecto omnis Arithmeticus facilius stellarum , quam
virtutum TUARUM numerum iniri posse judicabit :
Quivis Geometra citius omnes terrarum angulos , quam
spatiosissimos meritorum TUORUM campos mensurari
posse censebit : nullus Astronomus ita sibi timebit a
solis aut syderum fulgore , quam a splendidissimis
scientiarum TUARUM radiis ; sunt enim adeo acuti ,
ut non tantum rudes noctuæ , sed & doctissimæ Aquilæ
a tanto luminis splendore refugiant , & sese abscon-
dant . Quæ cum ita sint , vel maxime consultum fore
existimo , ut & ego a virtutum , scientiarum & meri-
torum TUORUM encomiis abstinenceam , tum ne adu-
lationis vitio laborare , tum , ne etsi ea dinumerare
vellem , aut possem , summam modestiam TUAM la-
cessere videar . Taceo igitur , quidquid boni a TE
hucusque actum est . Sileo ardentissimum TUUM erga
Deum , Deique Matrem amorem & Zelum ferven-
tissimum , quem tria Tabernacula pretiosissima , lam-
pas argentea Thaumaturgo in monte Bogeni suspensa ,
Sacristiæ multis sumptibus exornatæ , sacra suppel-
lectilis sumptuosis ornamentis adaucta , & alia Eccle-
siarum nostrarum decora abunde testantur . Præter-
mitto

mitto TUUM incredibile scientiæ ac eruditionis promovendæ studium ; nemo enim adeo ignorans est, qui nesciat , TE Bibliothecam domesticam plurimis , iisque exquisitissimis libris , nec non variis instrumentis Mathematicis instruxisse , Te Doctos & Doctores domi forisque magnis sumptibus sustentare , TEque ingeniis , eruditioni , ac sapientiæ inbiantibus , ad quæque scientiarum genera summa liberalitate ac munificentia omnem stravisse viam. Prætereo incomparabilem TUAM in rebus æconomicis solertiam , quam domestici summo cum emolumento suo sentiunt , omnes exteri admirabundi obstupescunt , & Vir quidam illustrissimus non longo abhinc tempore coram ipso serenissimo Electore nostro magnopere dilaudavit. Hæc & multa alia virtutum TUARUM decora cum satius modesto silentio prætereunda , quam infacundo ore enarranda existiment ; neque iis recensendis aut mea tenuitas , aut Pagella hæc sufficiat , nihil mihi jam superesse conspicio , quam ut TE REVERENDISSIME PRÆSUL humillime rogitem , atque obtester , ut leve hoc industriæ meæ , & exiguas laborum meorum primitias , quas in aliquale debitæ gratitudinis monumentum , & perpetuam filialis amoris mei tesseram MAGNO NOMINI TUO nuncupare ausus fui , gratiose suscipere , potenter protegere ,

B

me-

*meque filiorum TUORUM infimum, amplissimis TUIS
favoribus in posterum quoque fovere non dedigneris,
pro quo summo favorum complemento Deum omni-
potentem ardentissimis precibus exorare non desistam,
ut TE ad commune omnium nostrum emolumentum per
plurimas Annorum myriades sanum servet, ac inco-
lumem, usque dum meritorum plenus & laborum sa-
tur ad æternam beatitudinem translatus, & felicissi-
mo Sanctorum Abbatum choro associatus perpetuas
laudes decantare possis Regi sæculorum immortalis,
cui soli honor, virtus, & gloria.*

**REVERENDISSIMÆ, PERILLUSTRIS
AC AMPLISSIMÆ DOMINATIONIS
VESTRÆ.**

**Servus humillimus obstrictissimus
ac in Christo filius obsequen-
tissimus.**

P. JOSEPHUS MARIA HIENDL.

LICENTIA.

NOS JOANNES EVANGELISTA, ABBAS
Exempti Monasterii S. Petri ad
Quercum Superiorem in Bavaria infe-
riore p. t. almæ Universitatis Salisbur-
genfis Assistens, & Angelicæ Congre-
gationis Benedictino - Bavaricæ Visita-
tor ordinarius, Per dilecto Conventuali
nostro, R. P. Josepho Mariæ Hiendl
hisce Licentiam impertimur, ut serva-
tis servandis opusculum suum Mathe-
maticum non solum typis mandare, sed
etiam publicæ Disputationi, Doctorum-
que judicio exponere valeat. Actum in
Monasterio Oberaltacensi die 5ta Julii
ANNO 1765.



JOANNES EVANGELISTA
ABBAS m. pp^{ria}.

APPROBATIO

S. FACULTATIS THEOLOGICÆ SALISBURGENSIS.

Prodromum Mathematicum, quem selectissimis e floribus, ceu favum mellis, utilissimo labore sibi construxit Apis hæc argumentosa, sedulo evolvi, & multo cum gustu delibavi, nihilque amari, aut virulenti, quod sanam fidem vel bonos mores, ut araneæ solent, offendere posset, eidem permixtum deprehendi, hinc dignum cenfeo, qui ad plurimum excitandam orexin in forum prodeat, & Mathematicum Tyronibus usum suavissimum præbeat.

In Alma & Archiepiscopali Universitate Salisburgensi die XV. Julii Anno MDCCLXV.

P. HERMANNUS SCHOLLNER,
O. S. B. SS. Theol. Doctor,
& Dogmatico - Scholasticæ
Prof. Ord. Cels. & Rev.
Archiepiscopi & S. R. I.
Principis Salisb. Consiliar.
Eccles. S. Facultatis p. t.
Decanus.

APPROBATIO FACULTATIS PHILOSOPHICÆ.

Legi cum multa voluptate Prodrum Mathematicum, & non tantum publica luce dignissimum, sed & publicæ utilitati, præcipue Juventutis Monasticæ summe proficuum æstimo, idque unice opto, ut & exemplum Authoris plures imitandi cupidine trahat, & liberalissimus ac gratiosissimus Mæcenus etiam omnibus fiat exemplar.

Dabam Juvavii 17. Julii 1765.

P. BENNO GANSER, Benedictinus
Oberaltacensis AA. LL. &
Philosophiæ Doctor, ac ibid.
Physices Professor, & p. t.
Facultatis Philosophicæ Dec.



AD LECTOREM.

Nil novi a me expectes, Lector benevole! trita invenies, & antiqua: Matheseos enim non Magistrum, sed discipulum me esse memineris. Quæ aliis in libris dispersa inveni, collegi in unum, & redegì in ordinem. Pauca hic mea sunt, imo vix aliquid, nisi labor in componendo, ac comportando. Lubens tibi isthæc fateor, & abs rubore orbi palam facio; neque enim aliena pro meis aliorum, non raro etiam doctorum, more venditare cupio. Ipsas disciplinas mathematicas passim reperies in authoribus: raro leges Matheseos prolegomena, nullibi eo ordine & modo, quo ego eadem non sine multa industria, & læctione assidua compilavi. Spero laborem meum pluribus profuturum, præcipue Tyronibus, ac neo-natis Matheseos candidatis. Tibi ut is idem placeat, opto vehementer: quod si displiceat, non doleo, & tamen tibi dico amicum vale.

ELEN-

ELENCHUS MATERIARUM HOC
OPUSCULO CONTENTARUM.

CAPUT I.

De Nomine, Objecto, Natura, & Divisione Matheseos. -

§. I.

De Nomine.

§. II.

De Objecto & Natura.

§. III.

De Divisione Matheseos.

CAPUT II.

De Ortū & Progressu Mathesis in genere, ac Mathesis puræ in specie.

§. I.

De Ortū & Progressu Mathesis in genere.

§. II.

De Ortū & Progressu Arithmetica.

§. III.

De Ortū & Progressu Geometria.

CA.

CAPUT III.

De Libris, Signis, & Instrumentis mathematicis.

§. I.

De Libris.

§. II.

De Signis.

§. III.

De Instrumentis mathematicis.

CAPUT IV.

De Methodo docendi, studendi, & disputandi mathematica.

§. I.

De methodo docendi.

§. II.

De methodo studendi.

§. III.

De methodo disputandi.

CAPUT V.

De Nobilitate, Utilitate, Necessitate ac Jucunditate Matheſeos.

§. I.

De Nobilitate seu Præstantia.

§. II.

De Utilitate.

§. III.

De Necessitate & Jucunditate Matheſeos.

CA-



CAPUT I.

De nomine, objecto, natura, & divisione Matheſeos.

§. I.

De Nomine Matheſeos.



AB ovo ut incipiam, de ipſo Matheſeos N. I. Etymo ut pauca quædam diſſeram, neceſſe eſt. Matheſis igitur ſeu Mathematica, ſi nominis Etymon ſpectes, idem eſt, ac *diſciplinæ ſcientia*: a græco vocabulo Μαθησις (Matheſis) vel μαθημα (mathema) ſuam derivavit nomenclaturam. Utrumque hoc vocabulum *diſciplinam & doctrinam* iis ſonat, qui linguæ græcæ notitiam poſſident.

C

Sunt



N. 2. Sunt, qui mirantur, unde Mathematica inter omnes divinas æque, ac humanas scientias a primis jamjam sæculis hoc sibi nomen, quod aliis quoque scientiis commune videtur, tanquam speciale & proprium vendicarit. Mirari ut cessent, scient velim, disciplinæ & doctrinæ nomen omnibus equidem scientiis jure competere, cum omnes & a Magistris doceantur, & a discipulis addiscantur, Mathematicam tamen non vulgi errore sed omnium sapientum decreto specialiter his nomenclaturis insigniri plurimas ob rationes, quarum aliæ ab aliis assignantur.

N. 3. Proclus cum suis asseclis sub finem primi in primum elementum Commentarii hujuscemodi rationem affert, putatque Pythagoreos, qui Mathematicam vel primi invenerint, vel in primis excoluerint, ideo illi disciplinæ nomen indidisse, eo quod (ut ipse Procli verbis utar) *rerum notitiam promoveat, contemplationem excuscitet, rationem expurget, insitas species eliciat, oblivionem ac inscitiam amoveat, errorisque vincula dissolvat.*

N. 4. Quidam disciplinas Mathematicas idcirco sic denominatas asserunt, quod non adeo sint obvix, sed præcipuæ difficultatis (prout ipsis videtur) aliquid contineant, ac proinde interpretis vel Magistri præeuntis opem desiderent & majori quodam studio, ac diligentia debeant addisci juxta illud Platonis 7. de Republ. *lanquide illis (scilicet disciplinis mathematicis) incumbitur propter difficultatem, & quia duce opus est studiosis, absque quo non assequantur.*

Alii,

Alii, quæ docti facile adstipulantur, Mathematicam propter eximiam evidentiam, constantiam & certitudinem hoc nomine dotatam arbitrantur. Cum prope sola (ut ex inferius Cap. IV. dicendis apparebit) ex principiis præcognitis, aut per se notis, aut evidenter probatis ad conclusiones demonstrandas procedat (quod proprium scientiæ munus est) nec unquam aliquid evidenter non demonstratum assumat, quod quidem alias artes, aut disciplinas non semper observare videmus, cum plerumque in confirmationem eorum, quæ probare, & demonstrare contendunt, ea, quæ nondum sunt explicata, aut demonstrata, assumant. N. 5.

Alii denique existimant, Mathematicam ideo disciplinæ nomen usurpasse, quod, cum Græci primitus inciperent ad artium studia se applicare, hæc sola in scholis traderetur, cum necdum aliæ essent inventæ, quas juvenes addiscerent, nec aliud quid illis innotuerit sciendum excepta Philosophia, quæ non tam a pueris discebatur, quam a senibus quærebatur. Omne igitur studium primis illis sæculis circa hæc duo occupabatur, Mathemata nempe, & Philosophiam, quorum illa in scholis solertiores magistri teneræ ætati instillabant, hæc vero suis in recessibus provectorum & senum contemplationem exercebat: illa ad hanc animos præparabant, & viam muniebant. Huc saltem respexit Plato l. cit. cum Mathesin præviam eruditionem, & Philosophiæ præludium appellavit, eoque eleganter Xenocrates Mathemata vocavit anas Philosophiæ, ac alius non nemo gradus & scamna vocitabat, quibus ad N. 6.



ad rerum sublimium cognitionem ascenditur: unde & Theon Smyrnæus ille Platonice Matheseos vetustus expositor ex antiquorum sententia mathematicis disciplinis minime imbutos ceu profanos & inhabiles procul a mysteriis sapientiæ arcendos declaravit.

- N. 7. Verum sat de his; sufficit enim, quod ex modo dictis concludere liceat, has scientias jure merito dici mathematicas, seu disciplinas, easque ex ipsa rei veritate, & unanimi sapientum calculo nomen obtinuisse, quod postea merito retinuerunt, usu possessionem corroborante, & utinam non frustra retinerent, quaque par est reverentia, a juvenibus ad-discerentur.

§. II

De objecto & natura Matheseos.

- N. 8. **M**athesein scientiam quantitatis, vel ut Sturmius eam definire cupit, scientiam quantorum & quantitatis esse, nemini non in propatulo est: unde etiam patet, objectum, circa quod eadem versatur, esse quantitatem, sub hoc quantitatis vocabulo multitudinem æque ac magnitudinem intelligendo, & quantum sumendo pro qualibet re, quæ augeri potest, vel minui, veluti sunt numerus, extensio, motus, tempus, & gravitas. Nonnullis mirum videtur generali Matheseos objecto, prout id vulgo statuitur, nullum in utraque lingua græca nempe & latina proprium congruere vocabulum; Aristoteles enim το ποσόν magnitudinis & multitudinis commune genus constituit: το ποσόν vero significat proprie quantitatem



tem seu multitudinem, qua numerabilis est, adeoque solum respicit numerum; contra autem quantitas, quo vocabulo latini Aristotelicum illud το ποσόν exprimere solent, stricte sumpta indigitat magnitudinem, qua mensurabilis est, sicque nec ad numerum proprie potest referri.

Sed hæc de nomine lis est rerum cupidis vix attendenda: quidquid igitur sit de generali Matheſeos objecto, satis convenit eam circa duo potissimum versari, circa multitudinem seu *quantitatem discretam*, & circa magnitudinem, seu *quantitatem continuam*; versatur enim circa numeros numerabiles, varieque inter se & cum aliis numeris comparabiles, ac circa lineas, superficies, & corpora, prouti varie terminantur, & varias induunt figuras, angulos videlicet, triangula, circulos, prismata, & similia. N. 9.

Quoniam vero utraque species magnitudo & multitudo seu quantitas discreta & continua duplici pacto considerari potest, vel quatenus ab omni speciali materia, materiæque circumstantiis & accidentibus mente separatur & abstrahitur (hoc est, quatenus in se generaliter omiſſis circumstantiis & accidentibus animo concipitur) sicque considerata vocatur a Mathematicis *abstracta*: vel quatenus alicui speciali subiecto inhæret, & cum aliis quibusdam physicis qualitatibus, actionibus, ac circumstantiis conjuncta & commista invenitur, & hæc appellatur *quantitas concreta*. N. 10.



N. 11. Hinc & non omnes disciplinæ mathematicæ circa quantitatem discretam, & continuam eodem modo versantur. Aliquæ earum contemplantur eam ab omni materia sensibili non tamen ab omni intelligibili abstractam: neque enim considerant numerum prouti in hac vel illa re, v. g. in plantis, in pecuniis, in hominibus, aut aliis reperire est, nec lineam, triangulum, circulum, & similia, quatenus sunt in auro, lapide, ferro, ligno &c. sed simpliciter, generaliter, & in se contemplantur. Aliæ vero eandem quantitatem considerant qua materiæ immerfam, & commistam: tales sunt omnes illæ disciplinæ, quæ versantur circa motus corporum cælestium, circa radios visuales, aliaque multa, uti paulo post constabit. Unde variæ quoque oriuntur Mathematicæ divisiones, de quibus paragrafo sequenti.

N. 12. Ex iis, quæ modo de objecto protuli, abunde colligere datur, quænam sit genuina Matheseos natura, & essentia: est quippe *scientia tractans de quantitate discreta & continua, eaque vel a materia sensibili, vel eidem immersa & concreta.*

N. 13. De modo, quo Mathesis circa suum objectum versatur, inferius fortasse Capite quarto quædam obiter tantum attingam; non enim mei est propositi de hoc aut similibus fusius tractare, cum ad Logicam proprie spectent. Hinc etiam pro præsentī paucis annotare sufficit, Mathesin circa suum objectum versari modo perfectissimo ita quidem, ut demonstratio, si rem rigorosius perpendamus, illi quasi propria & peculiaris habeatur, & aliis scientiis vix æquo



æquo jure competere censeatur. Unde præcipue antiquiores Philosophi contra rigorosas demonstrationes protestantur, indeque suo cum Principe petunt excusationem, quod tantum mathematicis iste demonstrandi rigor congruat, parique ratione negant, exigendam esse a naturali Philosopho demonstrationem mathematicam. Et hæc de Matheſeos natura, & objecto, ac circa objectum versandi modo dicta sufficiant, jam ipsam ejus divisionem breviter discutiamus.

§. III.

De divisione Matheſeos.

EX ipsa duplici quantitatis consideratione duplex N. 14. emergit Matheſeos divisio. Ea, quæ versatur circa quantitatem abstractam, *pura*, seu *abstracta*, illa vero, quæ quantitatem concretam considerat, *mixta*, seu *concreta* vocatur.

Quælibet ex his rursus in varias species a variis præcipue antiquioris ævi Philosophis ac Mathematicis dividitur: qui harum divisionum siti æstuat, Pythagoreos, Platonem, Proclum, Paulum, Guldinum, Adrianum Romanum, Honoratum Fabri, Alstedium, Heinlinum, Abdiam Frew, Metium, Herigonium, Ramum, Stevinum, Mersenum, ac alios passim adeat, atque e sesquipedali partitionum dolio, quod iidem offerunt, sese inebriet. Me brevem esse oportet, nec diutius antiquorum divisionibus inhærere licet.

Hinc omiſſis veterum placitis cum Recentioribus N. 15. duas statuo Matheſis puræ species *Arithmeticam* nempe,



nempe, & *Geometriam*: prior quantitatem discretam, seu numerum: altera vero continuam seu extensionem considerat. Mixtam vero *Mathesin*, quam alii quoque impuram vel applicatam appellare consueverunt, in sequentia membra distribuo, & *1mo* quidem in *Opticam*, quæ a Geometria ad lucis radios applicata generatur, & pro triplici lucis discrimine dictam, *Catoptricam*, & *Dioptricam* progignit. Prima de lucis radiis directis, altera de reflexis, & tertia de refractis considerationem instituit. *Optica Arithmeticæ* & *Geometriæ* principiis, nec non variis observationibus, ac experientiis conjugalem manum præbuit, suoque e thalamo produxit. 2. *Astronomiam* sive scientiam, quæ syderum magnitudinem, motum, distantiam, & mutuas eorum positiones discutit. Et ecce novam, eamque sæcundam matrem; ex hac etenim potissimum scientia exorta est. 3. *Geographia*, quæ telluris seu terræ descriptioni incumbit: rursus se totam addicit, ac denique 4. *Gnomonica* seu *Horographia*, quam Horologiorum scientiam definire solemus. Modo haud absimili doctrina de motu & gravitate *Arithmeticæ*, & *Geometriæ* suam debet originem: unde etiam *Mathesis mixta* comprehendit. 6. *Mechanicam* seu generalem de motu gravium scientiam. 7. *Staticam*, quæ de pondere solidorum, & 8. *Hydrostaticam*, quæ de pondere fluidorum tractat. 9. *Aerometriam*, seu *Aerostaticam*, quæ agit de mensuratione fluidi aerei. Et 10. *Hydraulicam*, quæ aliorum fluidorum motum, & elevationem nos docet. Denique eadem *Mathesis puræ* principia

ex-

experientiis , observationibus , aut Mechanicæ vel aliis disciplinis associata viam sternunt & fundamentum ad 11. *Architecturam militarem* , & 12. *Architecturam civilem* , quarum prior adversus hostium incursum vallat , & munit , posterior vero ædificiis quibuscunque mire & artificiose exornandis inservit.

Perspectivam seu *Scenographiam* , quæ quodvis ob- N. 16.
jectum visibile in plana superficie seu in tabula depingere , & regulariter delineare docet , Opticæ caput esse arbitror , prouti etiam *Trigonometriam planam* & *sphericam* , quarum ope triangula plana & spherica rite solvuntur , ita , ut cognitis tribus trianguli partibus reliquæ possint inveniri , inter Geometriæ capita repono.

Musicam , quam Philosophiæ Pythagoricæ alumni N. 17.
contemplando numerum sonorum , & sonum numerosum , ac harmonicum mathematicis disciplinis annumerarunt , recentiorum more ductus omitto ; quamvis enim plurimis nitatur principiis ex Arithmeticæ doctrina de proportionibus , permutationibus & combinationibus deductis : ut plurimum tamen hic valet acuminosum ingenium , magna solertia , & ipse naturalis genius artificis , qui vel proprio Marte aut aliena ope sonos suaves , ac jucundos multiplici ratione variare , ac permiscere didicit . *Pyrotechnicam* quoque seu *Artilleriam* , quæ ignibus artificiosis & instrumentis huc spectantibus occupatur , e Mathematicum numero ob rationes haud absimiles eliminandam censeo.



N. 18. Omnis denique Mathesis pura æque ac mixta (ut omnes alias divisiones & subdivisiones silentio contegam) Mathematicorum usu dividitur in *Theoreticam*, ac *practicam*. *Theoreticam* seu speculativam illam dicunt, quæ sola quantorum cognitione contenta est, & solummodo regulas exhibet abstrahendo ab earum usu & applicatione. *Practica* vero ea nuncupatur, quæ istas regulas applicat, & in usum deducit.

N. 19. Miraberis fortasse, me Matheſeos partes pene omnes, aut certe præcipuas adduxisse, de *Algebra* vero seu facultate Analytica plane conticuisse? at respondeo, non temere id factum esse. Diversi enim circa *Algebram*, quæ ab omnibus ob insignem in Mathematicis utilitatem *speciosa* imo *divina* appellari consuevit, diverse sentiunt. Quidam, quos inter Weidlerus, speciosam hanc Analysin ad Mathesin puram spectare arbitrantur, & vel Arithmeticæ, vel Geometriæ, aut utrique annumerant; aliqui cum Erasmo Bartholino in ea tertiam Matheſeos partem constituunt, & Mathesis *sublimis* aut *universalis* nomine condecorant. Alii denique (sunt autem perpauci) illam non magis ad Mathematicam, quam ad Physicam & Ethicam spectare, ac Logicæ duntaxat partem esse asseverant. Sed sit, quidquid sit, mihi sufficit insinuasse, *Algebram* esse scientificum quantitatum calculum, & scientiam per certa signa & symbola quemlibet numerum aut quantitatem representandi. Jam sat de his pro præsentî instituto.



CAPUT II.

De ortu & progressu Mathesis in
genere, & Mathesis puræ
in specie.

§. I.

De ortu & progressu Mathesis in genere.

NEquaquam mihi animus est condendi historiam N. 20.
Matheseos universæ, ita, ut ortus ejus &
progressus, prouti titulus insinuare videtur,
ad nostra usque tempora pateat: hoc enim opus,
præterquam quod arduum nimis, & difficile sit,
viriumque mearum tenuitatem multum exsuperet,
infinitam prope lectionem præsupponit, & Bibliothe-
cam requirit omnibus numeris absolutam, ac pluri-
mis libris tam antiquis quam recentioribus instructis-
simam. Meum igitur non est in hunc campum de-
scendere, & rem adeo sublimem præstare, quam
nullus hucusque præstitit. Quamvis enim hodie-
dum viri reperiantur plurimi omni cæteroquin excep-
tione majores, ac in Historia litterariâ omnem pene
operam collocantes, nullibi tamen magis, quam in
exponenda Matheieos Historia Historicos deficere
compertum habemus, ideo fortasse, quia plerique,
qui huic studiorum generi sese addunt, plerumque
Mathematicum rudis sunt, aut aliis negotiis ita ag-
gravantur, ut Historiæ mathematicæ incumbere,
aut non possint, aut non velint. Licet ergo nec
mihi propositum tantæ moli debiles hosce humeros



subjicere, perutile tamen duxi Tyronibus de ortu & progressu Mathesis in genere præsentī in Paragrapho, ac in sequentibus etiam de ortu & progressu Mathesis puræ in specie (quæ sola vera Mathesis est) pauca quædam ruditer tantum exponere, ac prælibare. Historiam vero disciplinarum mixtarum, quas alii Physico-Mathematicas nominant, omnino prætereo, & lectorem sciendi cupidum ad R. P. Claudii de Chales mundum mathematicum Lugduni editum, ad Josephi Blancani Chronologiam mathematicorum, ad Tomum quintum elementorum Wolfij, & Joannis Friderici Weidleri institutiones mathematicas, aliosque libros ab iisdem citatos relego.

N. 21. Meo jam proposito ut aliqualiter satis dare videar, breviter ac in genere præmonendum arbitrator, de genuino Matheseos ortu seu de primis ejusdem incunabulis, inventoribus, & authoribus nil certi nobis constare. Id solummodo Historiæ perspicue testantur, omnes disciplinas mathematicas a variis & diversis authoribus ortum duxisse & originem; imo vero, singulas nequaquam statim ab initio suam perfectionem adeptas esse, sed paulatim ab imperfectis ad perfectiora processisse, earumque numerum successu temporis adauctum fuisse, memoriæ quoque proditum est.

N. 22. Græci scriptores (a quibus tamen alii dissentiunt) testantur, Ægyptios & Chaldæos præco ævo harum scientiarum cultu claruisse, uti videre est apud Herodotum lib. 2. p. 68. Proclum l. c. p. 19. & Diodorum Siculum Biblioth. Histor. l. 2. c. 3. Ab Ægyptiis Thales
&

& Pythagoras ineunte sexto Sæculo ante æram Christianam mathemata in Græciam detulere, quæ deinde græci in ordinem redegerunt, amplificarunt, & scriptis comprehensa posteritati consignarunt. Hos inter præcipui fuerunt Mathematici Alexandrini, eorumque tyrones Euclides, Appollonius, Archimedes, Hipparchus, Theodosius, & alii. Alexandria Mathemata aliquot adhuc post Christum natum sæculis mire profecerunt, usque dum Arabes facta irruptione eorundem cultores dissiparunt. Ast ipsi quoque Arabes Matheſeos amantes extitere, ideoque græcorum opera magis illustria lingua arabica donarunt, & Europæis, priusquam hi ipsi in græcorum notitiam devenirent, tradiderunt. Europæi denique totam Matheſin, postquam litteras magis excolere cæperunt, & genuinos hujus scientiæ fontes inspexere, plurimis, iisque mirificis accessionibus, & lucubrationibus locupletarunt, ut novo prorsus & incomparabili habitu induta hodie comparere, & vix non summam perfectionem attigisse videatur.

His modo de ortu & progressu Matheſis in genere N. 23. dictis contentus esto amice lector, nec plura require a viro, cui & temporis & librorum defectus, aliaque obſunt, & cui sub ipsis Matheſeos elementis sudare necesse est, sed ampliorem notitiam si desuper affectes, Diogenem, Laertium, Thaletem, Pythagoram, Proclum Petrum Ramum, Vossium, aliosque authores supra citatos consule, mihiq; ut Matheſis puræ ortum & progressum obiter dispiciam, benevolus concede.



§. II.

De ortu & progressu Arithmeticae.

N. 24. **D**Uæ potissimum, ut N. 15. insinuavi, sunt species seu partes Mathesis puræ, *Arithmetica* nempe, & *Geometria*. In utriusque ortum & progressum compendiose indagaturus ab Arithmetica initium duco: cum ea juxta Platonis effatum sit *scientiarum vestibulum*, & a plerisque recentioribus saltem Mathematicis omnibus aliis disciplinis præmitti soleat. Geometriam vero in sequentem paragraphum reservo.

N. 25. *Arithmetica* itaque juxta dicta N. 15. est scientia numerandi seu numerorum, & hanc naturam suam ipso prodit nomine, quod a græco vocabulo *Ἀριθμός* (*numerus*) derivatur. Quænam ratio hanc artem invenerit, necdum satis liquet. Josephus Flavius cum aliis contendit, Pythagoram ab Ægyptiis, hosque ab Abrahamo numerandi artem didicisse. Hanc Josephi sententiam ut nonnulli confirmant, adducunt locum Platonis asserentis Ægyptios invenisse modum numerandi per calculos: at cum verborum Platoniorum significatio adhuc incerta sit, nil ex hoc loco potest concludi. Communior vero, cui & Porphyrius, Proclus, & Plinius subscribunt, est opinio dicentium, Pythagoram a Phænicibus, qui jam antiquis temporibus, uti constat, numeris & rationibus dediti fuere, scientiam numerandi didicisse, & primum perlustrata Ægypto, & Perside in Græciam annis ante Christum natum circiter sexcentis invexisse, aut saltem illustrasse, græcosque ob
mer-

mercaturam, quam exercebant, in hac arte multum excelluisse,

Cæterum satis certum est, & innumeris veterum N. 26.
authorum testimoniis comprobatum, græcos & ple-
rasque gentes characteres præ signandis numeris ex
Alphabeti litteris desumpsisse, & Cadmum Phænicem
litteras aut invenisse, aut primum in Græciam ad-
vexisse. Romani tamen lineolis varie dispositis
suam numerationem absolvebant. De notarum vero
vulgarium, quas ciphras nominamus, origine non
una est eruditorum opinio. Nonnulli Indos & Ara-
bes eas invenisse existimant, aliqui eas a Saracenis
ad Europæos propagatas arbitrantur. Alii figuras
numerationis græcas litteras male formatas esse asserunt,
quasi β idem esset ac 2, γ idem ac 3, δ idem ac 4
& sic porro. Sed quantum probabilitate careat ist-
hæc opinio ex ipsa ciphrarum & litterarum harum
dissimilitudine abunde patet. Unde mihi probabilius
sentire videntur plerique, qui Hispanos a Mauris,
Mauros ab Arabibus, Arabes a Persis vel etiam ab
Indis characteres seu ciphras accepisse affirmant. Et
hæc de ortu numerorum, & numerandi scientia.

Progressum Arithmeticæ a sæculo ad sæculum N. 27.
fuse describit P. Milliet de Chales, & Wolfius loc.
cit. supra N. 20. alique, ad quos iterato benevolum
Lectorem remitto. Mihi enim tantum statutum est
pauca in genere annotare, nimirum Arithmeticam
hodiernam ab Arithmetica veterum prorsus esse di-
versam, insigniter locupletatam, & in varia capita
divisam, quod ipsi Arithmeticatorum libri sufficienter
comprobant.

In-



- N. 28.** Inter veteres Arithmeticae scriptores eminuerunt Nicomachus Pythagoræ discipulus, & Euclides, in quorum Arithmeticen deinde plurimi scripsere. Hos inter præcipue annotari merentur S. Augustinus, qui sæculo Christi quinto pauca quædam de principiis Arithmeticae & Geometriæ disseruit, & Venerabilis Beda noster, uti & B. Albertus magnus, qui etiam de Arithmetica scriptitarunt.
- N. 29.** Recentiorem Arithmetica perfecerunt sæculo XV. Jacobus Faber, sæculo XVI. Stephanus de la Roche, F. Lucas de Burgo, Joannes Fernelius, Stifelius, Tartaglia, Maurolicus Abbas Messanensis, Gemma Frisius, Clavius, & Petrus Ramus. Sæculo XVII. hanc doctrinam præprimis excoluerunt Joannes Neperus Scotus, Baro Merchistonius inventor Logarithmorum, Adrianus Metius, Samuel Morlandus, & multi alii, quos cum sana prudentum virorum crisi huc adducere non licet.
- N. 30.** De cætero in tanta virorum multitudine P. Andreas Taquet primus extitit, qui Arithmetica vulgarẽ & omnes illius regulas demonstrationibus dotavit, eamque novo prorsus, ac politiori habitu indutam ad nos transmisit. Sed cum cordatis tantummodo viris ejus adyta patere quidam observarent, plures ad Tyronum utilitatem prodierunt libri arithmetici, e quorum numero illi mihi eminere videntur, quos Anno 1753. R. P. Hubertus S. J. & Anno 1761. R. P. Michael Lory Ord. S. P. Bened. ac R. P. Aloyfius Steinmayr S. J. conscripserunt, ac Tyronum captui mire & insigni cum fructu adoptarunt.



§. III.

De ortu & progressu Geometriae.

ET si Iliadem in nuce, & universam Geometriae N. 31.
Historiam tantillo in compendio exhibere impossibile forsitan quibusdam videri possit, conabor tamen pro tenui virium mearum modulo etiam in hoc meo satisfacere proposito, & verbo quasi multa, quæ de Geometriae ortu, & progressu dicenda occurrunt, exponam.

Geometria igitur, prout Herodotus, & Proclus N. 32.
testantur, ab Ægyptiis inventa est, & agrorum dimensionum suam debet originem; cum enim anniversaria Nili inundatio agrorum terminos ac limites ita confunderet, vastaretque, ut nemo agrum suum posset dignoscere, ceperunt Ægyptii animos ad agrorum dimensionem applicare, ut hoc modo & lites & jurgia rescarentur, & cuilibet, quod suum erat, redderetur. Hæc equidem agrorum dimensionis ratio, quamvis tunc temporis admodum rudis extiterit ac impolita, Geometriae nomine recte continebatur; Γεωμετρία enim idem significat, quod *terram metior*: sed cum scientia ista paulatim altius ad omnes trinae dimensionis proprietates, & ipsas coelorum quantitates evecta fuisset, primum equidem Geometriae nomen retinuit, adeoque ex Etymo nominis est *terrae dimensio*; ab omnibus tamen definitur, quod sit scientia quantitatis continuæ, sive magnitudinis, vel extensionis in longum, latum, & profundum.

E

Hanc



Hanc scientiam Thales Milefius ab Ægyptiis sacerdotibus, quos Aristoteles l. i. Met. c. i. forte ob religiositatem ad agrorum divisionem vocatos & Geometriæ inventores esse affirmat, sexcentis circiter annis ante natum Salvatorem accepit; & egregie promovit; quod ipsum postea præfiterunt Mæmerlinus, Amethistas, & Pythagoras Samius. Post Pythagoram hoc studium excoluere Anaxagoras Clazomenius, Oenopides, Zenodorus, Hippocrates Chius & Plato Academicorum Philosophorum Princeps, qui foribus suis affixisse fertur hanc Epigraphen: *Nemo Geometriæ expertus huc ingreditur.* Deinceps Geometriam exornarunt Archytas, Leon, & Teudius Magnes, ac denique annis trecentis ante æram Christianam floruit Euclides vir nominis immortalis, Geometriam multis augmentis, meliori ordine & demonstrationibus condecoravit. Hujus vestigiis institit magnus ille Archimedes Syracusanus, cui cœvus extitit Eratosthenes præclarus æque Geometra. Huc pariter adduci merentur Hypparchus, Hypsicles Alexandrinus, Theodosius, & omnes illi, qui ante Christum natum de Geometria quam optime sunt meriti.

N. 34. Sæculo I. Christi Meneslaus, a quibusdam etiam Milefius dictus Trigonometriam Hypparchi hinc inde adauxit.

Sæculo II. prodiit Ptolomæus præclarus Astronomus, qui Astronomiæ multa inferuit ad Trigonometriam pertinentia.

Sæcu-

Sæculo III. Porphyrus Philosophus nonnulla geometricæ conscripsit: at ejus scripta per temporum injurias periere.

Sæculo IV. vixit Nicomedes, cujus doctrinam Clavius refert in Geometria practica, ejusque etiam meminit Pappus.

Sæculo V. lucem aspexere Diocles Sporus, alii- que, quos inter etiam memorandus venit Proclus Diadochus, qui Athenis scholæ platonice præfuit, & in Euclidis librum primum commentarium conscripsit, & denique Pappus Alexandrinus.

Sæculo VI. Circa hæc tempora Barbari in Romanum Imperium irruerunt, & cum musis Mathésin quoque in exilium relegarunt; hinc vix duo in Geometricis quidquam boni præstitere. Idem dicendum de

Sæculo VII. Nam præter Isidorum Hispalensem Episcopum & Martianum nullus comparuit Geometra.

Sæculo VIII. Geometria cum Rachele plorabat filios suos, quia non erant.

Sæculo IX. apud Arabes, quæ in Christianorum terram infusus libri mathematici in prædam cefferunt, mathemata floruerunt. Circa hæc quoque tempora Michael Psellus author græcus innumeros prope libros de omni fere materia conscripsit.

Sæculo X. prodierunt Bagdadinus Arabs, Oren Musa, & Alchindus Arabs, cujus libello de sex quantitativis Cardanus inter duodecim orbis miracula locum assignat.



Sæculo XI. Euclidem ex arabico in latinum transtulit Campanus Gallus, quod ipsum etiam præstitit Adelhardus Anglus Monachus.

Sæculo XII. Theon Smirnæus loca mathematica Platonis græce est interpretatus, & B. Albertus Magnus quatuor scripsit libros de Geometria, Arithmetica, Musica, & Astronomia.

Sæculum XIII. vix ullum protulit insignioris nominis Geometram.

Sæculum XIV. eadem forte fruebatur.

Sæculo XV. plures extiterunt, qui authorum versionibus toti incumbabant, & fidelitatem potius quam scientiæ promotionem appetebant.

Sæculo XVI. & XVII. Geometriæ & Matheseos studium magis quam unquam efflorescere cepit. Plurimi in libros Euclidis insignes commentarios ediderunt, quos singulos commemorare supervacaneum foret. Omnibus tamen, (si P. Huberto fidem habemus) palmam præripuit P. Christophorus Clavius, quem in demonstrando rigidissimum, in illustrando copiosum, & in explicando perspicuum esse affirmat. Idem Cl. author P. Andreæ Taquet, & P. Jacobum Gooden summis Geometris annumerat, & eorum opera tyronibus accommodata multum extollit. Inter Geometriæ principes insuper reponit D. Bonaventuram Cavallèrium, & D. Vincentium a S. Gregorio, quos illustria superioris sæculi lumina vocat.

N. 35. Alios viros de Geometria his sæculis optime meritos, ne justo sim longior, prætereo, idque solum in-

infinuo moderni ævi Mathematicos Euclidem equidem ceu Geometriæ solem semper coluisse, eosdem tamen ordine Euclidæorum librorum neglecto, & minus necessariis prudenter omisissis obscuriora Geometriæ abdyta in amæna vireta, & spinas in rosas transmutasse. Tales (ne omnes taceam) extiterunt Arnaldus, Honoratus Fabri, Gaston Pardie, Mourgues, Bernardus Lami, & eorum sequaces; quorum vestigiis postea institerunt Sturmius, Malezieu, Wideburgius, Wolfius, Croufadius, aliique viri præstantissimi, quos modernis temporibus non sine selectu tamen & consilio plures imitantur, sed pauci assequuntur. Et hæc de Historia puræ Mathefeos dicta sint. Qui plura vel de hac ipsa, aut de Historia Algebræ, vel mixtæ Mathesis nosse contendit, Pappum, Cl. P. de Chales, Wolfium, aliosque, prout sæpius jam monui, desuper consulere non gravetur.

CAPUT III.

De libris, signis, & instrumentis mathematicis.

§. I.

De libris mathematicis.

Latius equidem patet iste titulus: ast absit, ut N. 36. omnes recensere velim libros & authores, qui vel de Mathesi integra, vel de una aut altera ejus parte, vel etiam de particularibus quibusdam argumentis commentati sunt. In opus enim excre-



sceret opusculum, & statutos longe transfret limites. Quia tamen perutile est, & proficuum imo necessarium nosse libros, quorum lectione in Mathematicum studio feliciter progredi licet, non inutilem operam me præstitisse confido, si iis, qui ad Mathesin addiscendam animum appellere cogitant, brevem præcipuorum operum, & cursuum Mathematicorum synopsis ob oculos posuero, ne tyro iis libris, a quorum lectione vix quisquam doctior recessit, tempus sat pretiosum fallat, & multa magnaue industria parum aut omnino nihil addiscat.

- N. 37.** Petrus Herigonius primus erat, qui Anno 1644. cursum mathematicum sex tomis constantem latino & gallico idiomate Parisiis edidit. Signa sunt auctori peculiariora, & a modernis diversa: multum tamen facilitatis habent ejus demonstrationes, quæ uno quasi obtutu abs difficultate possunt comprehendere. Hujus vestigiis institit P. Caspar Schottus S. J., cujus cursus mathematicus Anno 1662. Herbipoli prodiit in folio, ad Moenum Anno 1674. & denuo Bambergæ Anno 1677. recusus, quem P. Athanasius Kircherus in sua parænesi ad tyrones multum dilaudat, ac deprædicat. Hos & multos alios, quorum systemata mathematica eo tempore orbis conspexit, superasse videtur P. Claudius Franciscus Milliet de Chales Camberienfis S. J. Edidit ille Anno 1674. cursum seu mundum mathematicum tribus tomis in folio, quem Wolfius Tom. V. elem. pag. 9. ob servatum in demonstrando rigorem, & miram perspicuitatem singulariter extollit, & omnium cursuum mathematicorum absolutissimum vocat.

Hos



Hos igitur cursus ex antiquioribus non sine fructu tyro sibi comparare poterit, nec inutile erit magni Euclidis elementa, ipsosque fontes interdum inspicere, ac perlustrare. At cum interea temporis pleræque disciplinæ mathematicæ ad altius vestigium evectæ multum mutationis subierint, ita ut veterum scripta & opera nostro ævo non satisfaciant iis, qui ad Mathesin universam addiscendam animos adjiciunt, hinc tyronibus vel maxime suadendum est, ne antiquioribus se detineant, sed ad recentiores Mathematicos authores sese convertant. N. 38.

Horum vero princeps non immerito Wolfius censetur, qui ut ad verum Matheseos studium juventutem studiosam manuduceret, universæ Matheseos elementa germanico idiomate Halæ Anno 1710. conscripsit, & quatuor Tomis in 8vo sub titulo: *Angfangs-Gründe der mathematischen Wissenschaften* evulgavit. Ob insignem prorsus utilitatem quinta vice Anno 1738. isthæc elementa recusa, & in Bataavorum ac Gallorum linguas translata sunt. Ipse Wolfius grandi rationum pondere impulsus postea Elementa Matheseos latina a germanicis plane diversa majore forma edidit, quæ orbis eruditus frequentioribus editionibus abunde comprobavit. Cum vero elementa ista nonnullis prolixiora, nec ad omnium palatum esse viderentur, horum quoque desiderio satisfactorius alteratus Mathematicum Doctor eadem jam ante editionem latinam Halæ in 8vo Anno 1713. in compendium redegit, cujus sexta editio Anno 1737. lucem publicam aspexit, cui nova & auctior accessit Lipsiæ & Francofurti Anno 1755. N. 39.

Ab



N. 40. Ab eo tempore, ex quo elementa Matheseos Wolfius evulgavit, plura passim prodire Mathe-
seos compendia, nimirum Institutiones Mathema-
ticæ Wideburgii, elementa Mathematicum P. Andreæ
Gordon, Institutiones Matheseos Weidleri, & multa
alia Wolfii elementis satis nota. Inter alia quoque
Mathematicorum opera (quorum tamen laudibus
nil detractum volo) speciali applausu excipiuntur
Lectiones elementares Mathematicæ cl. D. de la Caille,
& Institutiones mathematicæ P. Franc. Hubert, ac
cursus mathematicus P. Segneri: neque contemnenda
est Mathesis enucleata Sturmii.

N. 41. Suadendum insuper Matheos candidatis, ut sibi
quoque comparent Atlantem mathematicum Tobiae
Majern Augustæ Vindelicorum editum; item Wolfii
tabulas sinuum, tangentium, & Logarithmorum,
nec non ejusdem Lexicon mathematicum, in quo
author illustris non modo singulos terminos in Ma-
thesi frequenter obvios in memoriæ subsidium ex-
plicavit, sed etiam authores passim citavit, qui vel
rerum inventores extiterunt, vel optima ratione
easdem exposuerunt. In eodem præterea præcipua
recensuit dogmata, & singulorum usum distincte ac
amæne indigitavit.

N. 42. Illi, qui ad unam vel alteram Matheos partem v. g.
ad Algebram, vel Geometriam, vel Mechanicam &c.
aspirant, speciales quoque & congruentes libros,
qui expresse selectam materiam pertractant, ad manus
habeant, adeoque, ne in electione similium librorum
se ipsos decipiant, P. de Chales, Wolfium, aliosque
viros

viros in scientiis mathematicis versatissimos desuper consulant. Hic etenim non tantum de singulis, sed etiam vel de quibusdam dicere nimis foret prolixum.

§. II.

De signis mathematicis.

AD Mathematicorum libros felicius intelligendos N. 43. omnino necesse est, ut eorum Lector præviam signorum, quibus iidem abundant, notitiam sibi acquirat: omnes enim omnis ævi Mathematici commoditatis & brevitatis gratia signis quibusdam usi sunt, quibus quantitatis augmentum, decrementum, divisionem, rationem, & similia indicare consueverunt. Signa antiquorum a modernis equidem sunt diversa, & varia, studiose tamen eadem prætereo; cum omnibus, qui modernis assueverint, ad intelligenda veterum signa haud difficilis pateat aditus, quod ipsum experientia comprobat. His igitur omisiss Recentiorum solummodo signa adducere statutum mihi: sunt autem sequentia:

Signum additionis, quod per *plus* efferrī solet, est N. 44. crux erecta + ita 3. + 4. denotat summam ex 3. & 4. simul sumptis provenientem, ac pronuntiatur 3 plus 4 = 7. Signum subtractionis est lineola transversa — & effertur per *minus* sic v. g. 5 — 2 designat differentiam inter 5 & 2. nempe 3, & pronuntiatur 5 minus 2 = 3. Multiplicationis signum est crux inversa X, quam S. Andreae vocant, vel etiam punctum unicum (.) ponitur medio loco inter factores seu inter numerum multiplicandum, & multiplicatorem, & pro-



fertur per *multiplicatum* v. g. 3, 2 vel 3 X 2 indicat factum seu productum 6, quod resultat ex 3 multiplicato per 2. Pro signo divisionis communiter ponuntur duo puncta (:) quæ per *divisum* efferrî solent ita e. g. 6: 3 denotat quotum 2, qui ex divisione numeri 6 per 3. emergit.

- N. 45. Signum æqualitatis, quo primus usus est Hariotus Anglus, & hodieum plerique utuntur, sunt duæ lineolæ =, quæ proferuntur per *æquale* sic v. g. A = A denotat quantitatem A esse æqualem quantitati A. quidam cum Cartesio adhibent signum sequens ∞ & aliqui etiam alia signa.

Similitudinis signum est littera S inversa ∞ ita e. g. a ∞ A significat quantitatem a esse similem quantitati A.

Signum majoritatis est > & minoritatis < sic v. g. 7 > 4 significat numerum 7 esse majorem numero 4 & e contrario 4 < 7 indicat numerum 4 esse minorem numero 7. hæc signa itidem primus adhibuit Hariotus, quem alii secuti sunt. Aliqui aliis signis utuntur, plerique tamen nullum signum adhibent.

- N. 46. Si in medio duorum numerorum ponitur comma (,) v. g. 2, 3 signum est 2 esse in ratione arithmetica ad 3. quod si vero in medio duorum ponantur duo puncta, tunc indicatur ratio Geometrica v. g. 2: 4; igitur 2, 3 significat rationem differentię; 2: 4 vero exprimit rationem continentię. Proportio arithmetica exprimitur per tria puncta posita inter terminos medios, geometrica proportio autem per quatuor puncta,

puncta, vel duas lineolas =. Sic ergo exhibetur proportio arithmetica 2, 3 . . . 4, 5 quam sic pronuntiabis, uti se habet 2 ad 3, ita se habet 4 ad 5. seu eadem est differentia inter 2 & 3 quæ habetur inter 4 & 5. Geometrica vero proportio ita proponitur e. g. 2: 4 = 8: 16 & ita pronuntiatur; sicut se habet 2 ad 4 ita se habet 8 ad 16 seu prout 2 bis continetur in 4, ita etiam 8 bis continetur in 16. Signum progressionis arithmeticæ est $\div$ & ponitur in fronte progressionis v. g. $\div$ 2, 4, 6, 8, 10 &c. ab ista distinguitur progressio geometrica per signum $\div$ v. g. $\div$ 2: 4: 8: 16: 32 &c. ex his signis abunde conicere possumus, quænam ratio, aut proportio, aut progressio sit arithmetica, vel geometrica, cum quævis proprium signum habeat.

Similiter ad significandum quadratum plures u. N. 47. tuntur quadrangulo $\square$ sic e. g. per $\square$ 5 denotant quadratum numeri 5, nempe numerum 25. Radicem quadratam indicant per $\sqrt{}$ ita v. g. $\sqrt{16}$ significat hujus quadrati 16 radicem quadratam 4 quod si huic signo apponatur littera C, tunc indigitur radix cubica ita e. g. $\sqrt[3]{27}$ denotat numeri 27 radicem cubicam nempe 3.

Denique veteres, & quidam ex Recentioribus N. 48. ut praxin a theoria distinguerent, in fine theorematum has notas Q. E. D. & in fine problematum istas Q. E. F. ponere consueverunt; priores tres litteræ idem sonant, ac *quod erat demonstrandum*, posteriores vero, *quod erat faciendum*. Sed non video, cur istæ clausulæ prædictis propositionibus subjungantur, præsertim



si in ipso cujusvis propositionis principio statim nomen Theorematis vel Problematis appareat. Et hæc de signis mathematicis: jam ad instrumentorum succinctam descriptionem gressum moveamus.

§. III.

De instrumentis mathematicis.

N. 49. **P**Rout militem armis, ita etiam Matheſeos tyro- nem instrumentis quibusdam mathematicis instructum esse oportet, cum eadem ad solutionem problematum geometriæ practicæ facilius ac exactius intelligendam summopere necessaria esse omnibus, qui scientiæ hujus elementa vel extremis degustarunt labiis, in propatulo sit. Libet igitur præſenti in paragrapho paucis describere instrumenta, quibus geometriæ utuntur.

N. 50. Quisquis itaque praxi geometricæ animum ad-
 cere cogitat, præprimis sibi comparet capsulam, qua
 sequentia instrumenta continentur. I. *Duo circini* ex
 aurichalco confecti, quorum unus duobus constat
 cruribus prorsus iisdem ex indurato chalybe factis,
 alter vero uno crure variabili instructus est, ita, ut
 ejus loco aut plumbago, aut penna circino aptari
 possit. II. *Circulus proportionum*, qui si rite & exacte
 sit compositus, in praxi plurimi usus est. III. *Semi-*
circulus in 180. gradus integros, & rursus in dimidios
 divisus, quem *Transportatorium* appellant, quia ejus
 ope angularum quantitas explorari, & alio trans-
 ferri potest. IV. *Norma*, cui *scale*, & pollicum
 quorundam pedum celebriorum v. g. pedis Parisini,
 aut



aut Londienſis menſuræ inſcriptæ ſunt. Huic inſtrumento etiam plerumque inditum eſt *Perpendiculum*, quo ſitus Horizontalis exploratur. V. *Regula*, quæ ad ducendas lineas inſervit, & ex ligno ebenino, indico, aut ebore confici ſolet; ex aurichalco enim parata maculas papyro relinquit, ſicque ipſam operationem odioſam efficit.

Præter hanc capſulam, ac inſtrumenta in eadem N. 51. contenta inſuper paranda eſt *menſula geometrica* quadrangularis, quam *prætorianam* a Joanne Prætorio ejus inventore vocare aſſolent. Conficitur hæc menſula ex ligno duriori, ejusque longitudo & latitudo 16. aut 18. pollices non exſuperat: ita quoque tripodi innititur, ut ad ſitum verticalem, aut Horizonti parallelum facile poſſit accommodari. Ad uſum menſulæ inſuper neceſſaria eſt *regula dioptris inſtructa*, quæ ex aurichalco paratur. Rurſus requiritur *libella*, ſeu *norma* cum ſuo pendulo ſuperius N. 50. deſcripta ad indagandum ſitum Horizontalem. Inſuper etiam neceſſe eſt, ut ad manus ſint 1. aliqui *baculi* 5, aut 6. pedes longi, ex ligno fiſſo conſecti, & in extremitate inferiori ferreo cuspide armati, qui in ſicco loco aſſerventur, ne humorem contrahentes incurventur, & inepti reddantur. 2. Requiruntur quinque vel ſex circiter *vexilla*, quibus in campo loca diſſita notantur & diſtinguuntur: poſſunt quoque pro baculis aſſumi, ſi ſint cum illis ejusdem altitudinis. 3. Denique *catena metatoria* 5 perticarum ſeu 50 pedum ex orichalco aut ferro facta, ſit ad minimum, ut dixi 5 perticas ſeu 50 pedes longa, & mediocris ſpiſſitudinis. Utuntur quidam catenæ loco fune canabino,



quem conscientiosiores geometræ nequaquam approbant, cum funem licet oleo tinctum pro varietate aeris varium, & tempore madido etiam pede diminutum deprehenderint.

- N. 52. Quamvis autem paucis hisce nec adeo sumptuosis instrumentis mentiones camporum commode possint peragi, interdum tamen multum juvat numerum graduum, quos anguli continent, determinare. Hunc ut obtineant geometræ, instrumento utuntur, quod alii *geniometricum*, alii *astrolabium* vocant, idque constat circulo in 360 vel semicirculo in 180 gradus accurate diviso, cui binæ regulæ dioptris instructæ incumbunt ita, ut una immobilis maneat, altera vero regula hinc inde ad libitum moveri possit. Huic instrumento, quod ex aurichalco vel cupro conficitur, plerique affingunt capsulam acu magnetica instructam eamque fulcro intra circulum posito imponunt.

Alii porro sola tali pyxide magnetica duobus dioptris immobilibus (quæ super linea meridiana eriguntur) dotata utuntur, appellaturque hoc instrumentum vulgo *Bouffole*: aliqui demum pro mensura angulorum, quorum crura in altum diriguntur, adhibent quadrantem, seu quartam partem circuli in 90 gradus divisam, dioptris quoque & pendulo instructam.

- N. 53. Ast de his & aliis instrumentis mathematicis, eorumque confectione, usu, & applicatione ex instituto, & peculiariter tractat Nicolaus Bion, cujus liber



liber gallice prodiit Parisiis in 8vo Anno 1709. postea vero opera Poppelmayeri germanico idiomate dotatus, & adauctus est Norimbergæ in 4to sub titulo: *der mathematischen Werkschule* quarta & Anno currente quinta vice ibidem recusus, ac cuilibet, qui praxin attendit, apprime suadendus. Omissis igitur figuris, aliisque de confectioe & usu instrumentorum prætermisiss id unum insinuo, quod instrumenta mox memorata, & alia id generis organa mathematica venalia prostant Augustæ Vindelicorum apud D. Brander & D. Rieger.

CAPUT IV.

De methodo docendi, studendi, & disputandi mathematica.

§. I.

De methodo docendi mathematica.

Methodi mathematicæ nomine hic venit ordo ille, N. 54. quo Matheseos Magistri suas materias pertrahant, & suas veritates indagant. Est autem ordo iste valde accuratus, conducit memoriæ, & quod rei caput est, promovet ratiocinium, cum singula sic disponantur, ut subsequantium principia in antecedentibus contineantur, & ab iisdem deducantur.

Circa hanc methodum præsertim observari meretur, quod mathematici primas propositiones seu
veri-



veritates sua luce conspicuas, per se claras & evidentes nec separatæ demonstrationis indigas, nimirum *definitiones* tum nominales, tum reales & *axiomata* ex definitionibus statim profluentia primo loco collocare soleant, sic exigente nostri discursus natura.

N. 56. Hic quoque simul advertere licet, quod quidam mathematicorum insignioris notæ & communioris naturæ propositiones a viris illustrioribus inventas, ac demonstratas, nec non peritorum examine comprobatas, & ratificatas velut in censuales tabulas digerant, in thesaurum reponant, & prouti usus postulat, easdem definitionum aut axiomatum loco assumant, aliisque tum investigandis, tum demonstrandis propositionibus inservire faciant. Unde etiam contingit, ut sæpe propositioni cuidam, quæ pluribus Theorema, aut Problema audit, ab aliis definitionis, aut axiomatis titulus præfigatur.

N. 57. Definitionibus & axiomatis veteres addiderunt, vel præmiserunt *postulata*, seu tales propositiones, quibus postulabant, ut conceptus suos abstractos seu mente tantum formatos reipia repræsentare, & ad oculum exhibere ipsis licitum foret. Recentiores tamen eadem aut omittunt, aut certe postulati nomine intelligunt talem propositionem, quam, quia ejusdem demonstratio foret facillima, sine demonstratione admitti postulant.

N. 58. Secunda sede reponunt propositiones ab istis immediate deductas, seu veritates secundarias, quas e pluribus definitionibus aliisque principiis erutas
Theo-

Theoremata appellant. In quovis autem Theoremate duo attentionem merentur, *propositio* nempe, & *demonstratio*: illa indicat, quid rei cuidam certis sub conditionibus conveniat, vel disconveniat: hæc verò rationes affert, quibus intellectus de propositionis veritate, & rei convenientia vel disconvenientia convincitur.

Tertio dein loco statuunt *Problemata*, five illas N. 59. propositiones, quæ e Theorematis proximè consequuntur, ac veritates jam sufficienter demonstratas ad praxin applicant, docentque, quid faciendum sit. Omne Problema tribus constat partibus, nimirum *propositione*, *resolutione*, & *demonstratione*; in propositione pronuntiatur, quid sit agendum: resolutio edocet singulos actus ad opus peragendum, seu ad praxin necessarios: demonstratio denique ostendit, quod factis faciendis effectus intentus sequatur, vel quod praxis sit debito modo peracta. Interdum tamen problemata sine omni demonstratione ponuntur, quia frequenter veritatum nexus in promptu est, & ex ipsa resolutione effectus certitudo aperte constat.

Ex his propositionibus hucusque adductis eruunt N. 60. mathematici *confectaria*, seu *corollaria*, quæ cum ex propositionibus evidenter certis aut sat luculenter demonstratis sponte profluant, speciali demonstratione haud indigent.

Denique etiam passim immiscentur *scholia*, in quibus obscura declarantur, dubia solvuntur, doctrinarum usus assignatur, historiæ, & inventorum



nomina, aliaque soitu nec inutilia nec injucunda inferuntur. Præter istos quoque propositionum titulos invenies interdum præcipue in antiquorum libris nomen *Lemmatæ*, quo indicatur talis propositio demonstrabilis, quæ in subsidium aliarum subsequens solet præmitti, vel quæ huc non pertinet, sed aliunde desumitur, & ad propositiones quasdam facilius intelligendas huc transfertur.

N. 61. Hac itaque nusquam interrupta perpetua serie pergunt in docendo doctores mathematici sic, ut posteriora a præcedentibus lucem pariter ac firmitatem accipiant, & catena quædam nectatur argumentationum vi nulla dissolubilis. Quo etiam fit, ut quisque ob eximium præprimis in demonstrando rigorem cujusvis propositionis propaginem a primis principiis derivare, ejus ab illis dependentiam & connexionem perspicere, ejusque proinde veritatem infallibili quadam ratione judicare valeat, ni insigni quodam glaucomate laboret.

N. 62. Attamen, quæ de Mathematicorum methodo & demonstrationum rigore obiter modo attingi, in pura præprimis Mathesi tantum valent, cum in eadem ob insignem, quam præsefert, claritatem sanctæ accuratioris & perfectioris ordinis leges haud difficulter possint servari. Verum in Mathesi mixta, vel applicata ab isto rigore sæpius nonnihil remittere coguntur Mathematici, quia claræ definitiones, & perspicua axiomata, cum eadem hinc inde obscuritate non careat, haud infrequenter deficiunt. Unde quoque contingit, ut quamvis eadem, quam in pura Ma-

Matheſi adhibent , methodo utantur , perſæpe tamen ſupra memoratis propoſitionibus alias , *Hypotheſes* nimirum , & *Obſervationes* immiſcere teneantur.

Sunt autem Hypotheſes ferme adinſtar poſtulatorum , quæ in re dubia ex indiſciis probabilibus deſumuntur , & tam diu pro veris habentur , quam diu aut melius , aut certius de rei veritate non conſtat. Obſervationes vero in Matheſi dicuntur phænomena ſeu rerum naturalium effectus variis experimentis detecti , e quibus deinde corollaria quædam ſeu conſectaria inferuntur. Hæc ipſa autem corollaria ſeu propoſitiones ex obſervationibus deductæ , cum fide ſenſuum nitantur , in Matheſi applicata non raro axiomatum vices ſubeunt , & conſtanti cura ac ſolerti circumſtantiarum attentione magis magisque declarantur , ac roborantur.

Sed hic jam pedem ſiſto , & lectori uberiores N. 64. methodi mathematicæ deſcriptionem ac explicationem anhelanti celeberrima Wolfii viri in mathematicis verſatiſſimi elementa Matheſeos latine edita , in quibus ſub initium Tomi primi peculiarem de prædicta methodo commentationem inſtituit , ex aſſe commendo.

§. II.

De methodo ſtudenti mathematica.

Non omnes in addiſcenda Matheſi eundem ſibi N. 65. præfigunt ſcopum , nec omnes eadem induſtria eidem incumbere tenentur , neque omnibus omnia ſunt addiſcenda. Aliqui etenim prima ſolum Matheſeos



seos elementa, aut tantum partem eorum addiscere, ac superficiale tantummodo mathematicarum disciplinarum notitiam affectant: alii vero altius illas imbibere, & toto quasi studio ad interiora Mathefeos abdita penetrare contendunt. Quapropter eadem, quæ tum aliorum doctrina tum propria experientia didici, docere, & quid unicuique Mathefeos studioso conveniat, præsentī in paragrapho paucis exponere mihi propositum est: multum enim profecto interest, ut studium mathematicum rite & methodice instituat, siquidem alia via sine temporis dispendio aut magna certe molestia feliciter progredi non licet. Viam igitur, qua sit eundem; monstrabo, ne Mathefeos candidati per avia & devia divagentur, & oleum ac operam una cum tempore disperdant, id, quod facillime accidit.

- N. 66. Præprimis itaque singulis observandum est, ut sibi e multis, quos supra Cap. III. §. I. nu. 37. 38. &c. adduxi, vel certe indigitavi, unum seligant auctorem, quem aut proprio iudicio, aut peritorum consilio sibi magis proficuum, suoque intento, ac scopo conformiorem noverint. Hunc ceu manu ductorem (alio Magistro & interprete si careant) presso pede sequantur. Eundem quoque servant ordinem legendi, quem ille scribendo observarat; nec ad subsequenta gradum faciant, priusquam antecedentia saltem mediocriter intellexerint. Ordinem si attenderint, spondeo audacter, eosdem in Mathefi eximios profectus exiguo etiam tempore facturos: quod si vero ordinem neglexerint, sique temere hinc inde velut canis e Nilo lambendo aliquid decerpserint, di-

discent fortasse ex omnibus aliquid , sed scient ex toto nihil , prout antiqua jactatur paræmia. Ordo enim mater est non tantum spiritus (quod Ascetæ testantur) sed & scientiæ , ac eruditionis. Sicut ergo aliæ scientiæ omnes , ita & disciplinæ mathematicæ cum ordine sunt addiscendæ. Non equidem ignoro , non omnes authores eundem tenere ordinem : sed hoc nil officit , quamvis enim mihi , aliisque ordo Wolfii præplaceat , ideo tamen ordo , quem alii observant , displicere non potest : cum omnes mathematici quoad communem docendi methodum conveniant , & tantum in quibusdam accidentalibus discrepent. Hinc iterum , iterumque tyronibus inculco , ut auctoris vel manu ductoris sui ordini omnino insistant.

Dein notandum , quod illi , qui superficiali qua- N. 67.
dam non inutili tamen notitia contenti sunt , si non omnes plerasque tamen demonstrationes passim occurrentes omittere , & relictis difficilioribus ad faciliora transire possint. Neque opus est , ut singulas definitiones & axiomata accuratius disquirant , aut omnia sive Theoremata aut Problemata exacte discutiant , dummodo propositiones fundamentales & principales probe intelligant. Ii vero , quibus sublimior animus infidet , & discendi aviditas , eandem in studendo fervent methodum rigorosam , quam a Matheſeos Magistris in docendo attendi paulo ante paragrapho præcedente adverti , definitones nempe , axiomata , Theoremata , aliasque propositiones mathematicas non communi more expendant , sed singulas ad amussim scrutentur , & omnes demonstrationes ad



prima usque principia sollicitè resolvant. Hanc si methodum observarint, nec solis Arithmeticae & Geometriae principiis contenti ad alias quoque disciplinas mathematicas progressi fuerint, sentient profecto fructus prorsus insignes, quos Wolfius Tom. V. elementorum latine editorum, ubi specialiter de studio mathematico rectè instituendo disserit, fufius ac uberius recenset.

N. 68. Præterea quam maxime utile ac proficuum esse censetur in tabulas referre, ac sedulo annotare, quidquid studio per diem acquirimus, eaque deinde inter se comparare, pacatoque animo perpendere, qui enim parcat calamo, non raro parcat & ingenio.

N. 69. Denique advertendum, ne, si quas propositio-
num difficultates vincere aut ingenti aut industriae defectus non finat, animum continuo despondeant, & a caëptis turpiter desistant. Neque se moveri finant antiqua illa multorum de sublimioribus quoque subfelliis virorum querela, qua Mathematicorum libros adeo discerpunt, eosque tam obscuros esse asserunt, ut, cum quis diu, multumque legerit, tantum sciat in fine, quantum initio noverat. Sit ita, ut dicunt; At vitium hoc non est mathematicorum libris peculiare, sed omnibus scriptis commune, præsertim si quis elementorum rudis & hospes accedat, ac insuper sine ordine & mentis attentione legat. Quod ergo mathematicorum libri multis obscuri videantur, non tam scribentium, quam legentium est vitium: licet non diffitear, quosdam libros alijs esse magis obscuros, ac in omnibus vel
in

in ipsis quoque magni Euclidis elementis varias occurrere difficultates ; audeo tamen affirmare , tyro- nem , si nonnullum afferat ingenium ac sedulum la- borem magno animo junctum , omnes istas difficultates , & Euclideanarum demonstrationum spinas (rosas de- buissem dicere) haud difficulter superaturum fore : præcipue si interpretem ad manus habeat , vel sal- tem authores quosdam , quos occurrente difficul- tate possit consulere.

Dii enim laboribus omnia vendunt , ac labor impro- bus omnia vincit : antiqua sunt hæc adagia , vetustis æque ac recentissimis experienciis confirmata. Sic S. Augustinus , ut in libris confessionum de se ipso testatur , totum Euclidem sine multo labore ac ne- mine docente intellexit. Idem de P. Christophoro Clavio admodum juvene Christophorus Grienbergius in præloquio ad Euclidis commentariolum insinuat. Hoc ipsum quoque de aliis multis mediocri licet in- genio præditis constat , atque compertum est.

Horum igitur virorum exemplis , non vero alio- rum terculamentis ac imperitorum disteriis Ma- theseos candidati moveantur , & alacres se utilissimo huic accingant studio , magnæque industria manum operi apponant. Quodsi suo in proposito perstiterint , ac debita methodo servata initium , quod semper grave est , superaverint , sensim sine sensu ipsimet doctrinæ jucunditate & utilitate illecti ad ulteriores progressus se ipsos animabunt , & tandem non sine ingenti animi gaudio , si non optimi , evadent tamen Mathematici.

N. 70.

§. III.



§. III.

De methodo disputandi mathematica.

N. 71. **F**alleris amice Lector, si eandem de disputatione mathematica, quam de aliis disputationibus, tibi formes ideam. Tentamen, vel specimen, vel exercitium potius vocari meretur quam disputatio. Sive enim disputationis etymologiam a *di-versa putando* desumas, sive eam concertationem inveniendæ ac cognoscendæ veritatis gratia susceptam definias, nunquam tamen eadem in mathematicis locum habebit. Quam longe enim omne putare ac opinari, quod profecto errare est, & inutilia cum utilibus ac noxia cum innoxiiis ab arboribus remove, & resicare, a mathematicis absit, nemo non ignorabit, qui vel extrema Matheseos limina salutaverit, aut ea, quæ Capite præsentis §. I. dixi, vel obiter tantum perlegerit.

Neque concertatio aliqua in iisdem obtinet; res enim, quæ verissimæ, certissimæ, & ipsa luce meridiana magis conspicuæ sunt, perperam in controversiam vocantur, & de indubiis nulla institui potest disceptatio vel concertatio. Cum igitur tota Mathesis pura præcipue nil nisi certas ac evidenter demonstratas veritates contineat, & veritas non primum cognosci & indagari debeat, sed omnes & singulæ propositiones, quas Mathematici assumunt, veritatis nomine indubitanter gaudeant, sane non video, quomodo specimen mathematicum disputationis vocabulo stricte sumpto possit compellari.

Pro-

Prouti ergo Mathematici in docendo methodum N. 72. servant peculiarem, & ab aliis diversam, ita quoque sua exercitia ab aliis sic dictis disputationibus multum distinguunt, & quamvis consuetas alioquin ceremonias adhibeant, in ipsa tamen propositionum suarum defensione diversa edunt scientiæ suæ specimina, quod aperte constabit ex regulis, quas tum ex ipsa mathematicorum consideratione deduxi, tum peritorum relatione didici, & tyroni modo paucis explicabo.

Matheseos igitur Candidatus, qui tentamen mathematicum subire, & doctrinæ suæ specimen exhibere intendit, præprimis vel ex Mathesi pura, vel ex mixta, vel ex universa primarias & secundarias quasdam propositiones sibi eligat, nimirum definitiones, Theoremata & Problemata, neque aliud quidquam extraneum, vel quod ad alias scientias potius, quam ad Mathesin pertinet, iisdem immisceat. Dein mature viros quosdam in arte peritos ad tentamen debita cum humanitate invitet. Instrumenta quoque mathematica in tempore ad usum & praxin præparet, ne sub ipso specimine iisdem dirigendis se diutius detineat, & spectatorum patientia abutatur: quodsi omnia instrumenta requisita non possideat, eadem in figuris saltem exhibeat ita, ut eorum usum & applicationem ad oculum valeat explicare. Atlantem insuper, qui figuris necessariis ac majori forma delineatis instructus sit, ad manum habeat una cum tabula majuscula nigro colore tincta, ad Arithmetices præprimis problemata solvenda admodum commoda.



N. 74. Auditoribus ad præstitutum tempus in unum convocatis brevem tentamini oratiunculam & discursum præmittat, nisi Præsides, qui hoc ipsum præstare velit, munitus compareat.

Finito discursu & captata auditorum benevolentia ad illum, qui primo loco quidquam propositurus est, se convertat, eumque de novo omni, qua par est, humanitate ad tentamen invitet, quod ipsum erga reliquos quoque observandum venit.

Postmodum omni cura invigilet, ut rerum & nominum definitiones, quæ forte desiderantur, clare proponat, & distincte explicet, & ut problemata, quæ solvenda proponuntur, accurate & velociter, quantum fieri poterit, resolvat, & sua dogmata ad datos casus diversos rite & apposite applicet, unaque operationem bene & juxta regulas mathematicas factam esse ostendat. Similiter etiam Theoremata, quæ occurrunt, docte & mathematice tamdiu demonstret, donec ad tentamen invitatus de doctrinæ veritate se convictum profiteatur, & nemo quidquam prudenter possit negare. Insuper bene attendat, ne forte sophismate quodam aut paralogismo involvatur; & a propositionum veritate ad avia, devia, ac falsa seducatur. Finito denique tentamine auditoribus suis pro data præsentia & habita patientia competentes agat grates, & errorum, qui in mathematicis ob immensam rerum copiam, labilisque memoriæ defectum facile possunt occurrere, in tentamine commissorum veniam humiliter postulet, sicque ad laudem Dei omnipotentis, qui omnium actionum

num nostrarum alpha & omega sit, suo specimini coronidem imponat.

Et hæc equidem regulæ solum tyronem concernunt, ita tamen, ut & illi, qui ad tentamen seu ad proponendum invitantur, suas sibi regulas ipsimet possint inde erueré; cum enim finis speciminis mathematici alius non sit, quam ut tyro exerceatur, & veritas cognita roboretur, ac ad varios casus applicetur, satis utique liquet, ipsis aliud quidpiam haud incumbere, nisi ut tyronem exercent, rerum & nominum definitiones exquirant, ut casuum quorundam & Problematum resolutiones & Theorematum demonstrationes sibi deposcant, & tamdiu ejus demonstrationibus non acquiescant, donec de rei veritate convincantur, & dubia dissolvantur. Id tamen præterea sibi notent, ut cum Mathematico mathematice non vero physice procedant, neque longiores operationes v. g. extractionem radicis e cubo, qui viginti aut triginta notis constat, sibi expectant, cum ad similes operationes nimirum temporis præter intensiorem attentionem requiratur, imo vel unicæ operationi totum præstitutum tempus vix sufficiat.

N. 75.

Ex his utique liquet, quantum Mathematicorum specimina distent ab aliis disputationibus, quæ, etsi sua utilitate, si debitum moderamen & modus servetur, minime careant, sæpissime tamen ob spiritum contradictionis dominantem plerumque omnino inutiles evadunt, & dum disputantes partium studiis sunt addicti, persæpe a recto fine deficiunt. Hinc & præsentibus frequenter stomachus movetur, disci-

H 2

pulus



pulus raro doctior recedit, veritas quasi cognita non discutitur & roboratur, sed excutitur ac dilapidatur, veritas vero incognita & necdum inventa intentione tantum non veritate & opere indagatur. Ut nil dicam de iis disputationibus (quarum unam aut alteram vel vidisse me pudet, ac poenitet) ubi disputantes nescio quo æstu abrepti variis incidentiis se detinent, extra omnem sphaeram & rhombum hinc inde vagantur, propudiosis disteriis se mutuo discerpunt, errores erroribus accumulunt, imberbi sane joco tempus deperdunt, ac juvenilibus fannis & despoticis minis se publice prostituunt, & non modo prudentum, sed & insipientum ludibrio sese (pro pudor) ipsimet exponunt.

N. 77. Quam satius foret, si & in nostris quoque provinciis, cum Mathematicorum methodus in aliis scientiis non semper obtineat, ille saltem mos invalesceret, qui in aliis: ubi defendens thesin, quam argumentans impugnare nititur, clare proponit, solide probat, firmis argumentis corroborat, & argumenta postmodum in contrarium allata pro posse suo scite ac viriliter enervat. Tali certe modo major speranda foret disputationum utilitas, & veritas debito modo inquireretur, simulque innotesceret, quid discipulus thesium defensor didicerit, qui alias distinctionum pyxide instructus & extra formam incedens suo clamore ac inani multiloquio validissima argumenta eludit, & vel ideo doctus habetur, & dilaudatur, quamvis indoctus sit & stupor, ac Thesis suam, quam tam strenue & clamorose defendit, vel obiter probare nesciat. Experto crede Ruperto.

Sed

Sed fufficit, fatque superque dictum, ne Criticum potius agere videar, quam Mathematicum, aut alieno me includere ludo.

CAPUT V.

De nobilitate, utilitate, neceffitate ac jucunditate Mathefeos.

§. I.

De nobilitate feu præstantia Mathefeos.

REstat modo, ut & de nobilitate, utilitate, ne- N. 78.
cessitate ac jucunditate Mathefeos ultimo hoc capite pauca differam, tum ut tyrones ad majorem sedulitatem excitentur, tum ut multi propudiosa sua dicteria, quæ aut imperitia, aut malo præjudicio imbuti contra Mathefin & Mathematicos effutire consueverunt, tandem salubriter dediscant, seponant, & abominentur, nec se ipsos, dum disciplinas mathematicas immaturis (prope dixissem puerilibus) cachinnis excipiunt, adeo prostituunt & meritis doctorum sannis & ludibriis sese committant.

Verum absit, ut hanc de Mathefeos prærogativis scribendi provinciam debilibus hisce humeris superimponam, aut meo penicillo multum imperito præclaras illius dotes depingam. Nolo enim videri Cicero pro domo mea, estque Mathefis mihi magis amata, quam ut ejusdem laudibus calami mei infacundia, ac nominis autoritate, quæ merito omni-



bus vileſceret , potius detrudere , quam quidquam ſuperaddere velim. Aliorum igitur ſolummodo virorum , maxima ubivis authoritate , ac doctrinæ fama pollentium teſtimonia , quæ ad immortalẽ Matheſeos gloriam poſteris ſcripta conſignarunt , in medium proferam.

- N. 79. Et de nobilitate quidem ſeu præſtantia Matheſeos , quam hocce in paragrapho diſcutiendam aſumpſi , Chriſtophorus Clavius Tom. 1. fol. 5. ita ap-
prime diſſerit: “ Quoniam diſciplinæ mathematicæ
„ de rebus agunt , quæ abſque ulla materia ſenſibili
„ conſiderantur , quamvis reiſpã materiæ ſint immer-
„ ſæ , perſpicuum eſt , eas medium inter metaphyſicam
„ & naturalem ſcientiam obtinere locum , ſi earum
„ ſubjectum conſideremus , ut recte a Proclo probatur :
„ Methaphyſices enim ſubjectum ab omni materia eſt
„ ſejuñctum & re & ratione ; Phyſices vero ſubjectum
„ materiæ ſenſibili & re & ratione conjunctum eſt.
„ Unde cum ſubjectum mathematicarum ſcientiarum
„ extra omnem materiam conſideretur , quamvis re-
„ ipſa in eadem reperiatur , liquido conſtat , hoc me-
„ dium eſſe inter alia duo.

“ Si vero nobilitas atque præſtantia ſcientiæ ex
„ certitudine demonſtrationum , quibus utitur , ſit ju-
„ dicanda , haud dubie mathematicæ diſciplinæ inter
„ cæteras omnes principem habebunt locum : demon-
„ ſtrant enim omnia , de quibus ſuſcipiunt diſputatio-
„ nem , firmiſſimis rationibus , confirmantque , ita , ut
„ vere ſcientiam in auditoris animo gignant , omnem-
„ que proſus dubitationem tollant. Ad quod aliis
„ ſcien-

„scientiis vix tribuere possumus: cum eis sæpe nu-
 „mero intellectus opinionum multitudine, ac senten-
 „tiarum varietate in veritate conclusionum judicanda
 „suspensus hæreat, atque incertus. Hujus rei apertam
 „fidem faciunt tot Peripateticorum sectæ (ut alios
 „interim Philosophos silentio involvam) quæ ab Ari-
 „stotele velut rami ex trunco aliquo exortæ adeo
 „inter se, & nonnunquam ab ipso fonte dissident,
 „ut prorsus ignores, quidnam sibi velit Aristoteles,
 „num de nominibus, an de rebus potius dissertatio-
 „nem instituat. „ Hucusque P. Clavius, & paulo
 „post pergit: “ Quod quam longe a mathematicis de-
 „monstrationibus absit, neminem latere existimo;
 „Theoremata enim Euclidis, cæterorumque Mathe-
 „maticorum inventa eandem hodie, quam ante tot
 „annos, in scholis retinent veritatis puritatem, rerum
 „certitudinem, demonstrationum robur ac veritatem.

“Huc accedit id, quod Plato ait in Philebo seu N. 80.
 „dialogo, qui de summo bono inscribitur, eam nempe
 „scientiam digniorem, præstantioremque esse, quæ
 „magis sinceritatis veritatisque est amans. Cum igitur
 „disciplinæ mathematicæ veritatem adeo expetant,
 „adament, excolantque, ut non solum nihil, quod
 „falsum sit, verum etiam nihil, quod tantum pro-
 „babile existat, nihil denique admittant, quod cer-
 „tissimis demonstrationibus non confirment, corro-
 „borentque, dubium esse non potest, quin eis primus
 „locus inter alias scientias omnes sit concedendus. „
 Ita Clavius loco citato.

His



N. 81.

His quoque (ut alios viros præstantissimos præteream) adstipulatur Isaac Barrow Professor Lucanianus celeberrimus, qui in lectionibus suis Academicis Matthesin pariter omnibus aliis scientiis anteponebat, & de Mathematicis ita expertus discurrit: “ De Mathematicis enim observari potest, quod res
 „ tantummodo sibi compertas attingant, ignotas & incertas prætereant. Non profitentur omnia scire,
 „ nec affectant de omnibus dicere: quæ vera sciunt,
 „ & invictis argumentis astruere queunt, ea proferunt,
 „ & Theorematis includunt, de reliquis tacent, &
 „ abstinere sententiam, malentes incertam suam agnoscere, quam temere quidvis affirmare; nihil immiscunt, aut inferunt argumentationibus aut assertionibus suis non planissime perspectum & extremo
 „ cum rigore exploratum: conjecturas omnes probabiles & bellas argutias rejiciunt, affectibus nequaquam
 „ quam indulgent, verborum illecebras detestantur, sententias suas efferunt, ut in Areopago. Isto pacto
 „ suas scientias ab omni labe vel erroris vel dubitationis conservant immunes & incorruptas. In reliquis,
 „ quas appellant, scientiis certis dubia, compertis præsumpta, manifestis obscura, vera falsis promiscue confunduntur. Omni aproponunt sibi discutienda, explicanda, decidenda juxta quæ sciunt,
 „ quæque ignorant: cum certas rationes afferre nequeunt, qualescunque conjecturas proferunt pulchris
 „ coloribus infucatas: divinant sæpius, quam demonstrant. Denique quasi de nostris causas agunt, quam
 „ possunt disertissime, & quod probare nequeunt, audent persuadere. “ Barrow Lect. quibus utique
 verbis Matheos nobilitatem ac præstantiam sat aperte
 Plura

Plura equidem vellem & possem huc adducere eruditorum testimonia ac monumenta, quibus mathematicarum disciplinarum nobilitas passim comprobatur. Verum contrahenda sunt vela; alia grandis mihi restat via: hinc ad alias Matheseos dotes transeundum est.

§. II.

De utilitate Matheseos.

Multi, qui omne quod ignorant, risu excipere, N. 83. ac vituperare solent, Mathemata quoque sane immerito imperita quadam censoriæ virgulæ licentia execrantur; & Mathematicos tanquam inutilia terræ pondera abominantur, ac prorsus detestantur. Nonnulli quoque eorum, qui prima mathematicæ palestræ limina subeunt, dum Mathematicorum libros tot exoticis (ut putant) deformatos figuris, tot barbaris insignitos nominibus, tot insolitis characterum formis, circulis, lineis, angulis, triangulis, rhombis ac parallelogramis implexos, intricatosque, tot insuper schematismorum astronomicorum portentis depictos, ac Musæa mathematica tot organis & instrumentis referta incerto oculo intuentur, mox sui quasi impotes & indiscreto Zelo abrepti continuo occinunt propudiosum illud: *cui bono?* His igitur præsentī in paragrapho obviandum, & Mathesis utilitas vel obiter tantum demonstranda est, ne deinceps quoque, dum ulterius quærunt, cui bono? suo malo suam nobis prodant crassam & supinam ignorantiam.



N. 84. *Cui bono?* quæritis o boni! respondeo non mea sed maximorum virorum autoritate fretus, & quotidiana suffultus experientia, *Mathefin bono omnium* inservire, & justum ac æquum esse, ut eidem præcipua vitæ oblectamenta, salutis præsidia, & laboris compendia accepta referamus: huic enim soli debemus, quod rationes nostras vere subducamus, censum familiarem recte conjiciamus, & numerorum phalangibus in ordinem redactis immensas rerum congeries facili negotio computemus. Quod agrorum fines sine jurgiis & litibus pacifice dispescamus, momenta ponderum æqua lance perpendamus, & suum cuique justa mensura dispensemus. Quod vastas moles hinc inde fusque deque, quo volumus levi quasi digito protrudamus, terreni orbis faciem accurate exhibeamus, & naturæ artificia perite æmulemur, ac haud infrequenter superemus. Quod augusta supremo Numini delubra statuamus, eleganter ac commode habitemus, ac tutis ab hostili incurfu vallis & munimentis protegamur. Quod temporis rationem habeamus, rerum vices debite distinguamus, & annorum mensiumque periodos, alterna dierum ac noctium incrementa, exquisita horarum & minutorum discrimina rite recenscamus, & dignoscamus. Quod secura commercia per infidos fluctus transigamus, recto tramite per cæcas maris vias progrediamur, & visus nostri sphæram quasi in immensum exporrigamus. Quod denique (ut plurima alia *Mathefios commoda taceam*) astrorum magnitudines, interstitia & cursus definiamus, tractus terrarum, vertices montium, profundas vallium & aquarum vora-

voragine, ac abstrusos telluris recessus attingamus, & perscrutemur, quodque demum stupendam opificii divini pulchritudinem rectius æstimemus, sapientius admiremur, & magis pio affectu agnoscamus: omnia ista & plurima alia soli, inquam, & prope uni debemus Mathesi, quam vel ideo, quod nova in dies commoda nobis progignat, sæcundam omnis boni matrem nominare fas est.

Longus forem ac nimius, si singulas, quas Ma- N. 85.
themata præstiterunt, & hodieum præstant utilitates in medium proferre vellem, aut luculentius discutere, ac demonstrare: neque singula prædecessorum nostrorum encomia, quibus insignia disciplinarum istarum commoda deprædicarunt, huc adducere vacat. Solus nobis pro præsentī (alios enim in sequentem paragraphum mihi reservo) sufficiat divinus Plato, qui jure optimo tam frequenter in suis operibus iterum, atque iterum Matheseos utilitatem nobis inculcat atque commendat, præcipue in 7. de Republica, in Epinomide, seu Philosopho, in Timæo & plerisque aliis in locis (quibus nunc enumerandis brevitate memor industria supersedeo) ubi mathematicas disciplinas omnis eruditionis ingenue viam appellat, alias disciplinas sine his viles & imperfectas esse asserere non dubitat, ac constanter affirmat, Mathemata ad altiora disponere, & ad divinarum rerum contemplationem mentis aciem exacuere.

Quæ cum ita se habeant, & teste experientia ac N. 86.
communi peritorum calculo tanta sit Mathematicum



utilitas, mirari satis non valeo, tam paucos esse, qui in hac nobilissima & perutili scientia vel mediocriter sint versati: & dum Philosophorum turbam ingentem, dum Theologorum numerum prope infinitum, dum juristarum & medicorum agmina, ut ita dicam, miramur, ac conspiciamus, vix in toto aliquo regno Mathematicorum decadem videamus. Neque mea solum, sed aliorum quoque & antiqua hæc est querela, quam pluribus fortasse exponerem, ni propositi ratio me rursus vellicaret, & temporum angustiae ad alia me denuo avocarent. Sit igitur

§. III. & ultimus.

De necessitate & jucunditate Matheſeos.

- N. 87. **I**nsigni Matheſeos utilitati, quam modo, quantum licuit demonstravi, & adhuc demonstrabo, ipsa quoque accedit necessitas, prout jam ex parte liquet. Sunt enim disciplinæ mathematicæ non tantum utiles, sed & necessariæ tum ad alias artes perfecte addiscendas, tum ad rempublicam bene instituendam & recte administrandam. Eleganter ac solide hoc ipsum ostendit Proclus sæpe citatus, qui inter alia haud abs ratione affirmare non dubitat, nemini ad Metaphysicam patere aditum, nisi per disciplinas mathematicas: si etenim a rebus sensibilibus, quas Physicus considerat, ad res insensibiles ac ab omni materia sejunctas, quas Metaphysicus contemplatur, nostri intellectus aciem ac animi vires abs ullo intermedio dirigere, & attollere tentamus, protinus nosmetipsos excæcabitur, non secus, ac illi fieri amat,

amat, qui diuturno & squalido e carcere in lucem solis clarissimam emittitur. Quapropter omnino necesse est, ut intellectus noster, antequam a rebus physicis & sensibilibus ad metaphysicas, & ab omni materia avulsas ascendat, prius rebus minus abstractis, quales a Mathematicis considerantur, assuescat, ac inhæreat, ut facilius dein illas possit comprehendere, neve illarum claritate offusus in tenebris ambulet, & quod pejus est, cæcus sorte cæco ducatum præstet, sicque ambo in profundam ignorantiae foveam cadant.

Idem Proclus etiam sat perspicue perhibet, ac N. 88. docet, Mathesin ad Philosophiam naturalem, moralem, dialecticam, & ad reliquas hujusce modi doctrinas, artesque in statu perfecto acquirendas non parum conducere, & necessario præsupponi: cum neque antiqua antiquorum Philosophorum præcipue Aristotelis & Platonis opera exemplis mathematicis referta, multo minus Neotericorum scripta philosophica sine Mathesi ullo pacto funditus possint intelligi. Quid quod olim nemo ausus esset celeberrimum divini Platonis Gymnasium frequentare, qui prius mathematicis disciplinis non esset imbutus? uti jam supra Cap. II. §. III. N. 33. insinuavi. Nec abs re & ratione id factum esse credamus: quanta enim sit vis Mathematicum in scientia naturali, ex ipsa disciplinarum istarum contemplatione abunde perspicitur. Nonne enim Physico incumbit, ut explicet motum, gravitationem corporum, proprietates aeris, phænomena visus, structuram universi, & similia?

I 3

quod



quod si igitur Mathematicum expertus existat, & ea, quæ de motu corporum solidorum in Mechanica & Statica, de motu, & gravitatione fluidorum in Hydraulica, & Hydrostatica, de visu in Optica, de corporibus mundi in Astronomia & Geographia traduntur, ignoret, & Arithmetices ac Geometriæ principia non intelligat, quomodo suo muneri satisfacere possit, non video. Unde etiam Cl. P. de Charles, dum philosophiam ab omni Geometriæ expertibus decurri contemplatur, & una discrimen, quod inter doctrinas physicas principiis mathematicis superinstructas, & inter dogmata mathematicorum ope destituta intercedit, attentiori animo perpensat, ita ingemiscit Tom. I. in prol. “ Quis hodiernæ philosophiæ Physicæ præsertim inanitatem æquo satis animo tulerit, in qua si communes notiones, & Doctorum, ut ita dicam, idioma modumque loquendi excipias, præcipue si ad particularia descenditur, nil, quod satisfaciat, invenies, nil quod probabilitatis aut opinionis nedum demonstrationis nomen mereatur, vel præferat: hanc ex neglecto Mathematicum studio ei labem illatam esse, antiquorum iudicio fretus asserere non dubitarim. ”

- N. 89. Quantum vero emolumentum hæc disciplinæ ad alias scientias nempe ad Theologiam, Jurisprudentiam, Medicinam &c. conferant, fuse demonstrat Julius Bernardus Rhor in suo libello Hallæ edito Anno 1713. cui titulus: *derer mathematischen Wissenschaften Beschaffenheit, und Nutzen, den sie in der Theologie, Jurisprudenz, Medicin &c. haben.* Ad hunc igitur

igitur lectorem remitto. Quodsi & SS. Patrum testimonio desuper expetat, legat D. Augustinum, qui lib. 2. cap. 16. de doctrina Christiana, ubi multis Matheseos utilitatem ac necessitatem pulcherrime nos docet, eleganter demonstrat, multa, quæ translate ac mystice posita sunt in scripturis, a multis non intelligi numerorum scientia deficiente. Quod ipsum multis exemplis corroborat, & longe post eodem libro cap. 37. pluribus verbis repetit, & confirmat. Rursus cap. 19. loc. cit. ostendit, Theologos etiam Geographia instructos esse debere. Doctori Hypponenſi pariter adſtipulatur D. Hieronymus Tom. 1. Epiſt. 5. aſſerens, numeris magnam ineſſe vim ad intelligenda multa ſcripturæ myſteria & Geometriam Theologiſ magnam aſſerre utilitatem. Similiter & D. Gregorius Nazianzenus D. Baſilium Præceptorem ſuum ſummis præconiis extollit, eoquod in Arithmetica, Geometria, Aſtronomia, cæterisque diſciplinis mathematicis hæud mediocriter verſatus fuerit. Præter hæc alia quoque extant antiquorum eſſata, quibus communi ſuffragio Matheſin omnium ſcientiarum parentem nominarunt, ſenſeruntque, ſine illius præſidio ad alias eniti idem eſſe, ac ſine aliis ad volatum accingi. Sed ſat de his, ſat de Matheseos utilitate, & neceſſitate.

His denique accedit maxima animi jucunditas, atque voluptas, qua cujuſvis animus in harum diſciplinarum ſtudio, & exercitio adeo perfunditur, ut iisdem vel leviter tinctus ægre ab illis poſſit avelli. Hinc & ſapientiſſimus Plato in 7. de Republ. teſtatur, magnam ani-



animi delectationem exinde percipi : ibidem etiam audacter dicit, & non temere confirmat, oculum animæ, qui ab aliis studiis excæcatur, defoditurque, a mathematicis disciplinis tantum recreari, excitarique rursus ad ejus, quod est, contemplationem. Quapropter nec mirum viros nobilissimos, Principes, Reges, ac Imperatores, plurimosque alios & doctrina & sanctitate conspicuos in his scientiis, quæ honestissimam æque ac liberalem animi oblectationem summa cum utilitate & necessitate conjunctam pariunt, diu multumque versatos nos suo exemplo docuisse, ut docta eorundem sequamur vestigia eo præprimis fine,

Ut in Omnibus glorificetur DEUS.



PARER-



PARERGA

SELECTARUM PROPOSITIONUM

EX UNIVERSA MATHESI

Ex Arithmetica,

Definiam

1. **A**rithmetica. 2. Numerum. 3. Unitatem. 4. Numerum purum.
5. Numerum mixtum. 6. Numerum homogeneum, 7. & heterogeneum. 8. Numerationem. 9. Additionem. 10. Numeros addendos. 11. Summam. 12. Subtractionem. 13. Numerum minuendum. 14. Et subtrahendum. 15. Residuum seu Differentiam. 16. Multiplicationem. 17. Multiplicatorem seu factorem. 18. Multiplicandum. 19. Productum seu factum. 20. Divisionem. 21. Dividendum. 22. Divisorem. 23. Quotum. 24. Totum. 25. Partem. 26. Partem aliquotam. 27. Et aliquantam. 28. Partem similem & dissimilem. 29. Partem similem aliquotam. 30. Et similem aliquantam. 31. Numerum integrum. 32. Et fractum seu fractionem simplicem. 33. Uti & fractionem mixtam. 34. Ac spuriam. 35. Numeratorem, 36. & Denominatorem. 37. Item fractiones decimales, seu geometricas. 38. Et sexagesimales seu Astronomicas. 39. Rationem. 40. Rationem majoris. 41. Et minoris inæqualitatis. 42. Rationem arithmetica. 43. Et geometricam. 44. Rationem compositam. 45. Rationem dupli, tripli, quadrupli. 46. Rationem duplicatam, triplicatam &c. 47. exponentem rationis: 48. Proportionem, 49. & quidem tam arithmetica, 50. quam geometricam: 51. item continuam. 52. Et discontinuam, seu discretam. 53. Inversam, 54. & alternatam. 55. Eam, quæ fit per compositionem. 56. Et illam, quæ dicitur proportio per divisionem. 57. Terminos proportionis, 58. antecedentes, 59. & consequentes, 60. medios, 61. ac extremos. 62. Progressionem, 63. tam arithmetica, 64. quam geometricam: 65. item crescentem, 66. ac decrecentem. 67. Potentias seu

X

digni-

dignitates. 68. Radicem 69. Binomiam, 70. & Polynomiam: 71. quadratam, 72. ac cubicam. 73. Extractionem radice quadratæ, aut cubicæ. 74. Quadratum. 75. Cubum. 76. Quadrato-quadratum. 77. Permutationem. 78. Ac denique combinationem.

Demonstrabo.

1. **T**otum esse æquale omnibus partibus suis simul sumptis. 2. Ea, quæ sunt æqualia eidem tertio, vel æqualibus æqualia, esse etiam æqualia inter se. 3. Aggregata esse æqualia, si æqualibus addantur æqualia. 4. Id, quod uno æqualium majus est, vel minus, esse etiam majus vel minus altero æqualium. 5. Producta esse æqualia, si æqualia per æqualia multiplicentur. 6. Residua esse æqualia, si æqualia subtrahantur ab æqualibus. 7. Quotos fore æquales, si æqualia per æqualia dividantur. 8. Examen additionis per subtractionem, 9. examen subtractionis per additionem, 10. examen multiplicationis per divisionem, 11. & examen Divisionis per multiplicationem bene institui. 12. Examen vero vulgare, quod fit per rejectionem novenarii, & a Ludimagistris adhibetur, fallere posse. 13. Ex multiplicatione bene peracta exurgere proportionem geometricam, ita, ut multiplicandus se habeat ad productum, prout se habet unitas ad multiplicatorem. 14. Idem contingere in divisione, in qua quotus se habeat ad unitatem, sicut se habet dividendus ad divisorem. 15. Fractionem se habere ad unitatem, prout se habet numerator ad denominatorem. 16. Manere valorem fractionum, si numeratores sint partes similes suorum denominatorum. 17. Eundem quoque esse valorem fractionis prioris, si numerator, & denominator per eundem numerum multiplicentur, 18. vel dividantur. 19. Fractiones similes posse similibus subrogari. 20. Rationes æqualem exponentem habentes esse similes, 21. & proportionales. 22. In proportionem arithmetica summam extremorum esse æqualem summæ mediorum. 23. In eadem proportionem arithmetica continua summam extremorum esse æqualem duplo medii. 24. In quavis progressionem arithmetica summam primi, & ultimi termini, si per dimidium multitudinis terminorum multiplicentur, esse æqualem summæ, quæ resultat ex omnibus terminis simul sumptis. 25. Si productum per alterutrum factorum dividatur, quotum fore factorem alterum. 26. In omni proportionem geometrica productum extremorum æquale esse producto mediorum: 27. In eadem continua quadratum medii esse æquale producto extremorum. 28. In proportionem geometrica terminos minores, si multiplicentur per exponentem, æquales fore terminis majori-

majoribus, ad quos habent rationem. 29. In eadem posse terminos alternari, & inverti: 30. imo etiam componi, vel dividi salva proportionem. 31. In omni progressionem geometricam quadratum medii æquale esse cuilibet producto duorum terminorum, qui ab eodem medio æqualiter distant. 32. Radicem tot constare notis, quot classibus constat ejus quadratum, 33. & vicissim quadratum tot habere classes, quot notas habet radix. 34. Omne quadratum constare quadrato partis primæ, & quadrato partis secundæ plus duplo facto partis primæ in secundam partem radicis binomiæ; paucis constare ex $aa + 2ab + bb$. 35. Cubum verò constare ex cubo partis primæ, & ex cubo partis secundæ, & ex triplo facto quadrati partis primæ in secundam plus triplo facto quadrati partis secundæ in primam partem radicis binomiæ, seu ex $a^3 + 3aa b + 3a bb + b^3$.

Solvam

1. **Q**ua methodo numerus datus rite scribi, 2. & pronuntiari debeat. 3. Quomodo numeri tam homogenei, quam heterogenei sint addendi, 4. subtrahendi, 5. multiplicandi, 6. & dividendi. 7. Qua ratione duæ fractiones, 8. vel etiam plures ad eundem denominatorem reducuntur. 9. Quomodo communis mensura maxima inveniri, 10. fractio ad minores, 11. & minimos terminos reduci, 12. ac fractiones spurie tractari debeant. 13. Qua methodo plures fractiones sint addendæ in unam, si illis sit idem, 14. vel diversus denominator. 15. Qua ratione fractio simplex ad integrum, 16. vel fractio mixta ad integrum, 17. vel mixta ad mixtam addatur. 18. Quomodo fractio simplex per fractionem simplicem, 19. aut fractio mixta per simplicem, 20. vel mixta per mixtam, 21. vel numerus integer per fractionem debeat multiplicari. 22. Qua ratione fractio a fractione ejusdem, 23. aut diversi denominatoris: 24. item fractio ex integro, 25. vel fractio mixta per fractionem, & vice versa, 26. aut mixta a mixta subtrahatur. 27. Qua methodo fractio per integrum & inversim, 28. aut integer per mixtam, vel mixta per integrum, 29. aut mixta per mixtam dividatur. 30. Quo modo fractiones decimales seu geometricæ addantur, 31. subtrahantur, 32. multiplicentur, 33. & dividantur. 34. Qua ratione fractio simplex possit mutari in decimalem. 35. Quomodo peragenda sit sexagesimalium additio, 36. subtractio, 37. multiplicatio, 38. & divisio. 39. Qua methodo inveniatur, num proportio data sit arithmetica, vel geometrica. 40. Qua ratione datis duobus terminis arithmetice proportionalibus tertius, 41. vel datis tribus quartus, 42. aut

inter duos quoscunque medius terminus possit reperiri. 43. Quomodo datis duobus terminis geometricè proportionalibus tertius, 44. vel datis tribus quartus. 45. Aut inter duos medius terminus proportionalis quærat. 46. Quomodo in hisce regula aurea, seu regula trium directæ, 47. & inversa lateat, 48. & ad regulam compositam, 49. & regulam societatis applicari debeat. 50. Qua methodo inveniatur numerus, qui ad datum numerum sit in ratione dupli, tripli, quadrupli &c. 51. vel in ratione duplicata, triplicata &c. 52. qua ratione inquiramus datæ radicis quadratum, 53. aut cubum. 54. Quomodo ex dato quadrato, 55. vel ex dato cubo radix sit extrahenda.

Explicabo

1. **M**ultiplicationem, quæ fit ope digitorum. 2. Constructionem, 3. & usum Abaci Pythagorici. 4. Compositionem Lamellarum Neperianarum. 5. Quarum ope tam multiplicatio, quam divisio facillime absolvitur. 6. Usum libelli, in quo continentur Logarithmi numerorum. 7. Et numeri quadrati ac cubici, eorumque radices. 8. Quidtatem cabalæ arithmeticæ, 9. Methodum conficiendi Alphabetum Cabalisticum naturalissimum & naturale, trigonale ac quadrangulare, 10. nec non modum ordinandi quamcunque cabalæ. 11. Usum tabulæ combinationem, 12. & permutationem. 13. Una cum methodo res datas combinandi, 14. & permutandi. 15. Artificium, quo tabulæ quadratorum, 16. & cuborum breviter, & fere absque multiplicatione (notabili saltem & alias requisita) construi possint. 17. Arithmeticam divinatoriam. 18. Et modum divinandi, quot quis nummos habeat in marsupio, 19. vel quos numeros aliquis mente conceperit, 20. vel quam ex datis tribus rebus quælibet ex tribus personis surripuerit.

Ex Geometria.

Definiam

1. **G**eometriam ipsam. 2. Punctum. 3. Lineam. 4. Superficiem. 5. Figuram. 6. Corpus. 7. Lineam rectam, & curvam. 8. Lineam horizontalem, 9. perpendicularem, 10. parallelam, 11. serpentinam, 12. spiralem, 13. ovalem, 14. verticalem, 15. obliquam, 16. convergentem, 17. & divergentem. 18. Angulum, 19. crura, 20. & verticem anguli. 21. Angulum rectilineum, 22. curvilineum, 23. & mixtilineum. 24. Angulum rectum, 25. acutum, 26. obtusum, 27. contiguum, 28. verticalem, 29. deinceps positum, 30. alternum, 31. oppositum, 32. externum,

ternum, 33. & internum. 34. Angulum ad centrum, 35. angulum extra
 centrum, 36. angulum ad peripheriam positum, 37. angulum contactum,
 38. & segmenti. 39. Triangulum, 40. tam rectilineum, 41. quam curvili-
 eum. 42. Triangulum æquilaterum, 43. æquicrurum, 44. & scalenum. 45.
 Triangulum rectangulum, 46. obtusangulum. 47. & acutangulum. 48.
 Triangulum æquale, & inæquale 49. simile, & dissimile. 50. Cathetum,
 51. hypotenusam, 52. & basin trianguli rectanguli. 53. Circulum,
 54. semicirculum, 55. & quadrantem circuli. 56. Peripheriam, 57. diame-
 trum, 58. & semidiametrum circuli. 59. Radium, 60. chordam, 61. &
 arcum circuli. 62. Tangentem, 63. secantem 64. & sectorem, 65. majus,
 66. & minus segmentum. 67. Circulum concentricum, 68. & excentricum.
 69. Centrum, 70. & aream circuli. 71. Parallelogramum. 72. Trapezium.
 73. Trapezoiden. 74. Quadratum. 75. Oblongum. 76. Rhombum.
 77. Rhomboidem. 78. Polygonum regulare, & irregulare. 79. Pen-
 tagonum, Hexagonum, Heptagonum &c. 80. Figuram regularem, 81. &
 irregularem. 82. Aream figuræ: 83. ejusdem perimetrum, 84. diagona-
 lem, 85. basin, 86. altitudinem, 87. & verticem. 88. Figuram circulo
 inscriptam, 89. & circumscriptam. 90. Corpus regulare, & irregulare.
 91. Cubum. 92. Parallelepipedum. 93. Prisma. 94. Cylindrum. 95. Py-
 ramidem. 96. Conum. 97. Pyramidem, & conum truncatum. 98.
 Sphæram. 99. Sphæroidem 100. Tetradrum, Hexaedrum, Octoedrum,
 Dodecaedrum, & denique Icosaedrum.

Demonstrabo

I. Lineam rectam esse brevissimam distantiam inter data duo puncta.
 2. Lineas rectas æquales sibi mutuo congruere. 3. Ex uno puncto
 super eadem recta non nisi unicum perpendicularem erigi, 4. neque
 plures quam unam duci posse ad unum punctum datum in linea recta.
 5. Lineas, quæ inter duas parallelas perpendiculariter eriguntur, ean-
 dem habere longitudinem. 6. Lineas parallelis parallelas etiam inter se esse
 parallelas. 7. Duas lineas rectas, si alia linea recta in eas incidens angu-
 los alternos faciat æquales, esse parallelas. 8. Lineam in circulo ductam
 ab alia linea, quæ per centrum circuli transit, & eandem ad angulos
 rectos secat, in duas partes æquales dividi. 9. Lineam perpendicula-
 rem a vertice trianguli æquicruri ad basin ductam dividere non tantum
 angulum ad verticem & basin, 10. sed etiam totum triangulum in duas
 partes æquales. 11. Angulos contiguos æquivalere duobus rectis. 12.
 Angulos verticales esse æquales. 13. Omnes angulos, qui ad idem
 punctum concurrunt, simul sumptos non nisi quatuor angulos rectos

efficere. 14. Si per duas parallelas ducatur recta, octo oriri angulos, quorum quaterni sunt æquales. 15. Æqualibus æqualium circularum arcibus æquales insistere angulos, & in æqualibus circulis ab æqualibus lineis æquales abscindi arcus. 16. Angulum ad centrum circuli constitutum esse duplum anguli ad peripheriam, si eidem insint arcui. 17. In circulo Chordas arcuum æqualium æque longas esse. 18. Diametrum circuli esse chordam maximam. 19. Tota triangula esse æqualia, si unius trianguli unum latus æquale sit lateri, & insuper duo anguli æquales duobus angulis alterius trianguli. 20. Idem evenire, si fuerint duo latera æqualia & unus angulus æqualis: 21. item si tria latera, 22. vel anguli fuerint æquales tribus lateribus vel tribus angulis alterius trianguli. 23. In omni triangulo omnes angulos simul sumptos continere 180° seu æquivalere duobus rectis. 24. Si trianguli latus prolongetur, angulum externum, seu deinceps positum fore æqualem angulis duobus internis ipsi oppositis. 25. Duo triangula æquiangula habere latera angulis æqualibus opposita proportionalia. 26. In triangulo æquilatERO cujuslibet anguli mensuram esse arcum 60° . 27. In triangulo æquicruro angulos ad basin esse æquales. 28. In triangulo rectangulo angulum duobus cathetis interceptum reliquis duobus fore æqualem. 29. In triangulo obtusangulo non nisi unum dari posse angulum obtusum. 30. In omni triangulo rectangulo hypotenusam esse latus maximum, 31. ejusque quadratum æquari quadratis cathetorum. 32. Duo oblonga ejusdem altitudinis se habere ad invicem ut eorundem bases, ita ut sit sicut basis unius oblongi ad basin alterius oblongi, ita totum oblongum ad integrum alterum. 33. Idem dicendum de triangulis. 34. Omnia parallelogramma nempe quadratum, oblongum, rhombum & rhomboidem linea diagonali secari in duo triangula æqualia. 35. Latus hexagoni esse radio circuli æquale. 36. Conum esse $\frac{1}{3}$ seu tertiam partem cylindri ejusdem basis & altitudinis. 37. Remoto cono e cylindro manere sphaeram. 38. Sphaeram ad cylindrum ejusdem diametri & altitudinis se habere ut 2. ad 3: 39. Aream circuli esse æqualem peripheriæ $X \frac{1}{2}$ id est multiplicatæ per dimidium radii. 40. Aream circuli ad quadratum diametri se habere ut 785. ad 1000. 41. Prisma triangulare esse æquale tribus pyramidibus æqualem cum prismate & basin & altitudinem habentibus. 42. Non dari plura corpora regularia quam quinque, nimirum tetraedrum, hexaedrum, octoedrum, dodecaedrum, & icosaedrum.

Solvam

1. **Q**uomodo a dato puncto ad datum punctum ducatur recta, 2. vel linea data lineæ, 3. aut dato puncto extra lineam parallela.
4. Quomodo erigenda sit linea perpendicularis ex quolibet puncto.
5. Sive hoc detur supra sive infra lineam, 6. sive in extremitate lineæ.
7. Quomodo linea in duas partes æquales, 8. imo in partes quotcunque dividatur.
9. Quomodo dato angulo æqualis formari, 10. & is ipse dividi possit in duas partes æquales.
11. Qua methodo datis duabus lineis & uno angulo, 12. sive datis duobus angulis & latere intermedio describatur triangulum.
13. Qua ratione dato latere triangulum æquilaterum, 14. datis duobus æquicrurum, 15. vel datis tribus scalenum sit delineandum.
16. Quomodo dato latere quadratum, 17. datis duobus oblongum, 18. dato angulo & latere Rhombus, 19. datis duobus lateribus, & uno angulo Rhomboides, 20. datis tribus lateribus, & uno angulo Trapezium, 21. ac denique datis lateribus & uno angulo Trapezoides possit describi.
22. Qua methodo peripheria, 23. diameter, 24. & centrum circuli inveniatur.
25. Qua ratione circa tria puncta extra lineam rectam data circulus delineari, 26. peripheria in partes quotcunque dividi, 27. & tangens circuli duci debeat.
28. Qua methodo data peripheria diameter, 29. aut data diametro peripheria circuli possit investigari.
30. Qua ratione triangulum æquilaterum in circulo, 31. vel circa qualecunque triangulum circulus formari debeat.
32. Quomodo quadratum circulo circumscribi, 33. & inscribi possit.
34. Qua methodo cujuscunque Polygoni regularis angulus ad centrum, 35. aut alter angulus inveniendus sit.
36. Quomodo dato uno latere polygonum regulare v. g. Pentagonum, Hexagonum, Heptagonum &c. describatur, 37. & circulo inscribatur.
38. Qua ratione ad duas lineas datas tertia proportionalis, 39. vel ad tres quarta inveniri debeat.
40. Quomodo metiamur aream quadrati, 41. vel oblongi, 42. vel Rhombi, 43. aut Rhomboidis.
44. Item aream trianguli rectanguli, 45. acutanguli, 46. & obtusanguli.
47. Nec non aream Trapezii, 48. Trapezoidis 49. & cujuscunque figuræ irregularis.
50. Qua ratione quæramus aream Polygoni regularis cujuscunque.
51. ac denique aream circuli, semicirculi, quadrantis.
52. Qua ratione exploranda sit altitudo loci tam accessi, 53. quam inaccessi.
54. Quomodo inquiremus distantiam duorum locorum, si ad utrumque, 55. vel si tantum ad alterutrum, 56. vel si ad neutrum ex loco tertio accessus pateat.
57. Qua methodo soliditas cubi, 58. aut parallelepipedi, 59. vel Pyramidis, 60. vel coni inveniatur.
61. Denique quomodo prismatis,

natis, 62. conī truncati, 63. cylindri, 64. vel cujuscunque corporis Trapezii soliditatem investigare debeamus.

Explicabo

1. **U**sum regulæ, 2. gnomonis, 3. & circini. 4. Modum examinandi ista instrumenta. 5. Constructionem transportatoris curvilinei, 6. rectilinei, 7. & noviter inventi, cujus ope nimirum non modo gradus sed & minuta possunt indagari. 8. Usū trini hujus transportatoris. 9. Compositionem scalæ geometricæ, 10. ejusdemque applicationem. 11. Quid sit pertica, pes, digitus, linea &c. 12. Quid pertica quadrata, & cubica &c. 13. Quid sint gradus, minuta, secunda &c. tertia &c. 14. Qua methodo facillime fiat Ellipsis, 15. linea serpentina, 16. spiralis, 17. & ovalis, 18. quomodo lineæ rectæ, 19. & curvæ ducantur in campo. 20. Qua ratione altitudo loci per umbram, 21. vel profunditas putei ope virgæ metatoris inveniat. 22. Quid in usu mensulæ prætorianæ, 23. & instrumenti goniometrici sit observandum. 24. Quomodo ex papyro conficiatur rete pro cubo, 25. pro tetraedro. 26. Pro octaedro, 27. pro dodecaedro 28. ac denique pro icosaedro.

Ex Trigonometria.

Definiam

1. **T**rigonometriam planam, 2. & sphæricam. 3. Chordam, seu subtensam arcus. 4. Sinum arcus. 5. Sinum totum seu radium. 6. Sinum rectum. 7. Sinum versum, seu sagittam. 8. Sinum complementi, seu cosinum. 9. Tangentem, 10. & cotangentem. 11. Secantem, 12. & cosecantem.

Demonstrabo

1. **D**uos arcus circulum constituentes eandem habere subtensam. 2. Diametrum esse subtensam maximam. 3. Sinum rectum esse dimidium chordæ arcum duplum subtendentis. 4. Duos angulos contiguos eundem habere sinum. 5. In triangulo rectangulo quodcunque latus posse haberi pro sinu recto, seu sinu toto, 6. & quolibet cathetum etiam pro tangente. 7. Sinus arcuum similium eandem ad radios suos habere proportionem. 8. In quovis triangulo recto duo quævis latera eandem servare rationem, quam servant sinus angulorum lateribus oppositorum.

Sol-

Solvam

1. **Q**uomodo datis cruribus trianguli rectanguli, 2. vel data hypothenusa, & uno catheto angulos acutos inveniamus. 3. Quae ratione datis angulis acutis, & hypothenusa, 4. aut datis angulis acutis, & uno catheto alterum invenias cathetum. 5. Quae methodo datis angulis acutis, & uno catheto hypothenusa, 6. aut data hypothenusa, & uno catheto alter investigari debeat. 7. Quomodo datis cathetis inquiramus hypothenusam.

Explicabo

1. **U**sum tabularum sinuum & tangentium, 2. nec non eorumdem logarithmorum in Trigonometria satis frequentem. 3. Regulas quasdam generales pro solutionibus problematum adductorum, 4. ac modum, quo diversa problemata geometrica trigonometricè possint resolvi.

Ex Optica, ejusque partibus.

Definiam

1. **O**pticam in genere, 2. & in specie. 3. perspectivam. 4. catoptricam. 5. dioptricam. 6. radium opticum. 7. penicillum opticum. 8. axem opticum. 9. radium incidentem, seu lineam incidentiæ. 10. radium reflexum. 11. angulum incidentiæ, 12. reflexionis, 13. & inclinationis. 14. cathetum incidentiæ, 15. reflexionis, & 16. obliquationis. 17. punctum incidentiæ, & reflexionis. 18. radium refractum. 19. perpendiculum. 20. angulum refractionis, 21. & refractum. 22. cathetum refractionis, 23. sinum inclinationis, 24. & refractionis.

Demonstrabo

1. **R**adios ex objecti punctis emissos divergere. 2. objecti imaginem a penicillis opticis in retina depingi situ inverso. 3. objecta, quæ sub eodem angulo videntur, videri æqualia, 4. quæ vero sub majori aut minori cernuntur, apparere majora aut minora. 5. inter duo objecta diversæ magnitudinis, quæ apparent æqualia, talem esse magnitudinis proportionem, qualis est inter illorum ab oculis distantias. 6. parallaxin remove objecta a vertice observatoris. 7. corpus obscurum projicere umbram lumini, quod in ipsum incidit, oppositam. 8. sphaeram luminosam illuminare sphaeræ opacæ æqualis dimidium. 9. angulum incidentiæ semper esse æqualem angulo reflexionis. 10. eo majorem fore angulum inclinationis, quo minor est angulus incidentiæ.

XX

II. AD-

11. angulos inclinationis esse æquales. 12. imaginem in speculo plano tantum distare post speculum, quantum distat ante speculum. 13. in speculo tum plano, tum convexo dextra apparere sinistra, & sinistra videri a dextris. 14. duo specula plana in situ parallelo sibi opposita objectum mire multiplicare. 15. objectum in duobus speculis planis quemcunque angulum constituentibus ordinarie tot vicibus (una dempta) videri, quoties angulus iste, quem specula constituunt, contineatur in integro circulo. 16. angulum refractionis $\neq$ angulo refracto æqualem esse angulo inclinationis. 17. non posse statui universalem exactam refractionis mensuram. 18. radios cum axe parallelos in vitrum convexum incidentes post vitrum in focum colligi. 19. focum radiorum axi parallelorum in integra sphaera vitrea esse in distantia $\frac{1}{2}$ diametri illius sphaeræ; 20. in vitro vero utrinque convexo (quod convexo-convexum nominamus) in distantia $\frac{1}{4}$ diametri; 21. ac denique in vitro ex una parte plano, & ex altera parte convexo (quod plano-convexum dicimus) in distantia totius diametri. 22. Vitra concavo-concava, & plano-concava dispergere radios cum axe parallelos. 23. Objectum apparere majus, & erectum, si oculus in foco, aut inter focum, & vitrum convexum positus objectum videt: 24. minus vero, & inversum, si objectum & oculus sunt ultra focum vitri convexi. 25. Objectum per vitrum plano-convexum, aut concavo-concavum inspectum apparere eundem erectum, sed minus, quam revera est. 26. Objectum per polyedron toties videri, quot sunt in vitro distinctæ superficies, seu hederæ.

Solvam

1. **Q**uomodo determinare possimus distantiam imaginis post speculum planum. 2. qua ratione data altitudine, & umbra unius corporis, dataque umbra alterius ejusdem altitudinem investigemus. 3. qua methodo duo specula plana in situ parallelo, 4. aut ad quemcunque angulum datum ponantur. 5. quomodo inter duo objecta, quæ sub eodem angulo videntur æqualia, data eorum ab oculo distantia inveniamus magnitudinis proportionem. 6. qua ratione vitra tuborum opticorum rite ordinare, 7. & radiorum incidentium refractionem, 8. nec non data linea incidentiæ angulum reflexionis delineare debeamus. 9. qua methodo cujuscunque vitri sphaerici focum indagemus, 10. quomodo dato angulo inclinationis, & angulo refracto angulum refractionis, 11. vel dato angulo refractionis, & refracto angulum inclinationis, 12. aut dato angulo refractionis, & inclinationis angulum refractum inveniamus.

Explicabo

1. **M**odum poliendi tabulam vitream, 2. & politam ex altera parte per modum speculi terminandi. 3. confectionem speculi planti, 4. convexi, 5. concavi, 6. conici, 7. sphaerici, 8. & cylindrici. 9. selectionem vitrorum pro dioptrica, 10. nec non modum lentes desiderata figura donandi, laevigandi &c. 11. constructionem tubi Galilæani sive Hollandici, 12. astronomici, 13. & terrestriis seu optici. 14. compositionem microscopii simplicis, 15. & compositi, 16. usum camerae obscuræ, 17. & instrumenti optici a D. Brandero nuper inventi. 18. quid circa Presbytas & Myopes sit observandum.

Ex Astronomia.

Definiam

1. **A**stronomiam in genere, 2. sphaericam, 3. & theoricam. 4. Corpus mundanum. 5. sphaeram cœlestem. 6. sphaeram armillarem. 7. sphaeram artificialem. 8. Astrolabium, sive planisphaerium? 9. axem mundi. 10. polos mundi. 11. circulos polares, 12. tropicos, 13. æquatorem, sive æquinoctialem. 14. puncta æquinoctialia, 15. & solstitialia. 16. Meridianum. 17. lineam meridianam. 18. Eclipticam. 19. Zodiacum. 20. Horizontem verum, 21. & apparentem seu sensibilem. 22. punctum Zenith, 23. & Nadir. 24. quatuor mundi plagas. 25. hemisphaerium orientale, & occidentale, 26. septentrionale seu boreale, & meridionale, seu australe. 27. sydera perpetua, 28. & temporaria, 29. stellas fixas, 30. & erraticas seu errantes. 31. asterismum sive constellationem. 32. stellas nebulosas. 33. locum physicum stellæ, 34. & opticum, huncque 35. vel verum, 36. aut apparentem, seu locum visus dictum. 37. Ortum & occasum stellæ, eumque 38. vel cosmicum, 39. vel acronychum, 40. aut heliacum. 41. distantiam stellarum rectam, 42. & sphaericam. 43. varios eorum aspectus. 44. stellæ declinationem, 45. longitudinem, 46. latitudinem. 47. profunditatem, 48. altitudinem veram & apparentem. 49. culminationem. 50. azimuthum, 51. ascensionem & descensionem rectam, 52. & obliquam. 53. motum primum seu diurnum vel communem, 54. & motum secundum seu proprium. 55. motum vertiginis, 56. & spiralem. 57. motum medium, seu æqualem, 58. & motum verum seu inæqualem. 59. Apogæum seu aphelium, 60. & perigæum seu perihelium. 61. parallaxin astronomicam. 62. anomaliam planetæ veram, 63. &

mediam. 64. lineam aphelli vel absidum. 65. novilunium, 66. & plenilunium. 67. nodum borealem & australem. 68. Eclipsin veram, seu realem, 69. apparentem, 70. universalem & particularem, 71. totalem & partialem, 72. lunarem, 73. annularem, & centralem. 74. terrestrem.

Demonstrabo

1. **E**clipticam æquatori non esse parallelam, sed ad eundem obliquam, ita, ut æquatorem imaginariæ secet in duobus punctis ad angulum 23° , $36'$. 2. Polos eclipticæ a polis mundi totidem distare gradibus. 3. motum proprium lunæ esse maxime sensibilem. 4. motum diurnum stellarum fixarum esse semper æqualem. 5. sydus in vertice positum nullam habere parallaxim: 6. hancque eo fore majorem, quo longius a vertice distat. 7. Angulum parallacticum esse æqualem angulo, quem constituunt rectæ ex oculo observatoris & ex centro terræ ad centrum stellæ productæ. 8. solem nunquam veram & realem pati Eclipsin. 9. Eclipsin terræ nullam contingere extra novilunia, 10. neque ullam posse unquam esse totalem. 11. lunam interdum pati Eclipsin, 12. & quidem veram ac realem, 13. sed non nisi in pleniluniis, 14. & quidem in iis solummodo, in quibus luna est in nodo, vel nodo proxima, ut latitudo ejus non excedat summam semidiametrorum lunæ, & umbræ terrestres, per quam luna movetur. 15. eamque semper esse universalem, ita ut in universo telluris hemisphærio, cui luna est orta, possit observari. 16. Eclipsin, quæ contigit tempore mortis Christi, non fuisse naturalem.

Solvam

1. **Q**uomodo in cælo stellato ductum æquatoris, 2. vel ductum eclipticæ concipiamus. 3. qua methodo globum ad quodvis tempus dirigamus, ut situm cæli repræsentet. 4. qua ratione declinatio, 5. & longitudo solis ad diem propositum possit inveniri. 6. quomodo stellæ declinationem, 7. seu longitudinem, 8. vel latitudinem cognoscamus. 9. qua methodo ad datum tempus altitudo stellæ, 10. tempus culminationis, 11. & azimuthum inveniantur. 12. qua ratione ope globi pro quovis die ortus, 13. & occasus cosmicos syderum determinare valeamus. 14. quomodo inveniantur stellæ, quæ data die acronyche oriuntur, 15. vel occidunt. 16. qua methodo ascensionem vel descensionem rectam stellæ, 17. aut ejus ascensionem, & descensionem obliquam cognoscamus. 18. qua ratione stellæ sub certa elevatione poli nunquam orientes, 19. & nunquam occidentes possint

possint determinari. 20. quomodo sole splendente hora diei proposita ex globo cognoscatur. 21. qua methodo linea meridiana duci, 22. & maculae planetarum observari debeant.

Explicabo

1. **N**omina planetarum, 2. eorumque charecteres. 3. signa coelestia in Zodiaco, 4. eorumque distantias, 5. & charecteres. 6. signa nodorum, seu capitis & caudae draconis. 7. varia mundi systemata, 8. systema antiquum, quod & Pythagoricum, aut Ptolomaicum dici solet. 9. dein systema Platicum seu Aristotelicum, 10. aegyptiacum, 11. tyconicum, 12. Copernico-Cartesianum, 13. ac denique systema nuper primum a clerico quodam in Italia Mathematicorum censuris expositum. 14. methodum practicam, qua varii planetarum aspectus nempe sextiles, quadrangulares, triangulares, vel mutua eorum conjunctio aut oppositio facillime possunt indagari. 15. varia variorum aspectuum signa. 16. Colurum solstitorum, 17. & aequinoctiorum. 18. modum delineandi lunae phases, & aspectus, 19. item Eclipses centrales, 20. annulares, 21. & lunulares, 22. usum quadrantis, quo distantiam stellae a stella possumus indagare. 23. qua ratione quivis tubus opticus ad usus astronomicos adaptari debeat.

Ex Geographia.

Definiam

1. **G**eographiam. 2. corpus terraqueum. 3. plagas cardinales. 4. & collaterales. 5. Zonam torridam, 6. temperatam, 7. & frigidam tam borealem, quam australem. 8. geographicam loci latitudinem, 9. & longitudinem. 10. distantiam locorum rectam, 11. & geographicam, 12. mappam seu tabulam geographicam, 13. eamque vel universalem, 14. vel particularem, 15. vel specialem, 16. vel specialissimam. 17. Atlantem geographicum, 18. ac denique globum artificialem terrestrem.

Demonstrabo.

1. **C**orpus terraqueum non esse sphaericum. 2. latitudinem loci esse aequalem elevationi poli. 3. locum, cujus latitudo $33^{\circ} 26'$ non excedit, sub Zona torrida situm esse; 4. illum vero, cujus latitudo $23^{\circ} 30'$ superat, non tamen ultra $66^{\circ} 31'$ sese extendit, in Zona temperata vel Boreali vel australi reperiri, 5. prouti locus, cujus latitudo $66^{\circ} 31'$ excedit, in Zona frigida Boreali, aut australi continetur.

)((3

6. dies

6. dies semper noctibus æquales esse iis , qui habitant sub æquatore. 7. sub utroque polo per integrum anni dimidium durare diem , & per alterum noctem. 8. eo longiorem fore diem longissimum , & eo brevior diem brevissimum , quo major fuerit elevatio poli.

Solvam

1. **Q**uomodo data elevatione poli latitudo loci , 2. & vicissim data latitudine loci elevatio poli inveniat. 3. qua methodo in globo artificiali terrestri , 4. vel etiam in mappa geographica latitudo , & longitudo loci sit indaganda. 5. qua ratione inveniamus omnia illa loca , quæ cum dato loco eandem habent latitudinem , 6. & illa , quibus sol die proposito est verticalis. 7. quomodo indagemus , quo tempore sit nobis dies longissimus vel brevissimus , 8. aut dies noctibus æquales , 9. vel quibusnam locis cum dato loco sit meridies. 10. qua methodo designetur duorum locorum distantia in globo , 11. aut in mappa geographica. 12. qua ratione urbi , vel alteri loco in mappa non designato debita sedes assignetur , 13. & demum quomodo mappa specialissima parvi cujusdam fractus , seu topographia alicujus v. g. ditionis , comitatus , præfecturæ &c. describatur.

Explicabo

1. **M**odum examinandi , 2. & ad usus geographicos rectificandi globum artificialem terrestrem. 3. varios circulos , quos in terræque superficie concipimus. 4. diversos modos , quibus plagas terræ Cardinales cognoscere valeamus. 5. methodum observandi declinationem magnetis. 6. modum delineandi rosam nauticam , seu modum designandi in plano omnes mundi plagas tum Cardinales , tum collaterales , sive intermedias. 7. constructionem pyxidis nauticæ. 8. methodum in mappa geographica invenendi elevationem poli. 9. quidditatem & situm sphaeræ rectæ , 10. & parallelæ , 11. ac obliquæ. 12. modum pro dato quovis die invenendi in globo terrestri horam ortus & occasus. 13. ea puncta , quæ in singulis mapparum geographicarum delineationibus præcipue sunt notanda & attendenda.

Ex Chronologia.

Definiam

1. **C**hronologiam. 2. diem naturalem , 3. & artificialem. 4. horam , 5. ejusque partes , in quas dividitur. 6. diem civilem , seu ponticum , 7. Astronomicum , 8. Babylonicum , 9. & Italicum. 10. horas
Ju-

Judæorum. 11. hebdomadam seu septimanam. 12. mensem civilem, 13. solarem, 14. & lunarem, 15. huncque vel periodicum, vel synodicum. 16. annum civilem communem, 17. & bis-sextilem. 18. annum solarem, 19. & lunarem astronomicum, seu verum. 20. diem intercalarem. 21. literam dominicalem. 22. Cyclum solarem, 23. & lunarem. 24. æram seu epocham.

Demonstrabo

1. **D**Uo illa S. scripturæ loca Marci 15. v. 25. erat autem hora tertia, & crucifixerunt eum, & Joan. 19. v. 14. hora quasi sexta &c. v. 16. tunc ergo tradidit eis illum, ut crucifigeretur &c. minime inter se pugnare. 2. vetus Pascha Judæorum incidisse in diem plenilunii civilis. 3. Gregorium XIII. P. M. non sine prudenti ratione Calendarium vetus Julianum emendasse.

Solvam

1. **Q**Uomodo tempus civile Europæum in astronomicum, 2. & vicissim tempus astronomicum convertamus in civile Europæum. 3. qua ratione possit cognosci, an annus qualiscunque datus sit bissextilis vel communis 4. & quotus.

Explicabo

1. **R**EGulas pro computo Paschali ad mentem Concilii Nicæni rite faciendo. 2. Epactas astronomicas, 3. & civiles. 4. quid circa annum bissextilem sit observandum.

Ex Gnomonica.

Definiam

1. **G**Nomonicam seu Horographiam. 2. Horologium photoscatericum, 3. idque vel regulare, 4. vel irregulare: 5. item diurnum seu solare, 6. & nocturnum, seu lunare. 7. Horologium æquinoctiale, 8. Horizontale, 9. verticale, 10. hocque vel meridionale, vel septentrionale, vel orientale vel occidentale, 11. Polare, 12. declinans, 13. inclinans, 14. ac reclinans.

Demonstrabo

1. **A**ltitudinem æquatoris esse complementum altitudinis poli ad quadrantem, sive ad 90° 2. umbram styli qui in terræ superficie situ æqui distante ad axem mundi e centro circuli ad æquatorem paralleli erigitur, ita dividere circuli circumscripti peripheriam, quemadmo-

admodum sol suo motu communi, seu diurno dividit suum circulum diurnum. 3. non requiri, ut totus stylus horologii sit axi mundano parallelus, 4. sed sufficere, quod extremum styli punctum concurrat cum extremo indicis axi mundi, vel terræ paralleli.

Solvam

1. **Q**uomodo conficiendum sit horologium æquinoctiale. 2. qua methodo construatür triangulum fundamentale pro horologiis. 3. qua ratione horologium horizontale, 4. meridionale, 5. septentrionale, 6. orientale, 7. occidentale, 8. polare superius, 9. & polare inferius, 10. ac denique lunare, seu nocturnum delineare debeamus.

Explicabo

1. **C**onstruccionem instrumenti, quod declinatorium nominamus. 2. modum ope hujus instrumenti explorandi declinationem, 3. vel inclinationem, aut reclinationem alicujus plani. 4. varias praxes pro delineandis variis horologiis photofciaticis.

Ex Mechanica & Statica.

Definiam

1. **M**echanicam, 2. & Staticam. 3. vires seu potentiam vel momentum. 4. pondus vel resistantiam. 5. Hypomochlion, seu fulcrum vel punctum motus aut quietis. 6. centrum, 7. & diametrum gravitatis. 8. centrum gravium. 9. lineam directionis. 10. diametrum, 11. & centrum magnitudinis. 12. lineam horizontalem veram & apparentem.

Demonstrabo

1. **C**entrum magnitudinis esse pariter centrum gravitatis, si corpora sint homogenea, habeantque eandem crassitiem, & altitudinem. 2. lineam directionis gravium perpendiculariter incidere in lineam horizontalem. 3. corpus tamdiu manere immotum, quamdiu linea directionis cadit intra basin corporis. 4. tantum potentiam superare pondus seu resistantiam, quantum distantia potentiae superat distantiam ponderis. 5. corpus suo motu describere diagonalem quadrati, si ab æqualibus viribus moveatur ad angulum rectum, 6. diagonalem oblongi, si vires fuerint inæquales: 7. ab eodem describi diagonalem rhombi, si moveatur a viribus æqualibus ad angulum obliquum, 8. diagonalem rhomboidis autem, si vires fuerint inæquales. 9. eo majores vires accedere potentiae, quo minorem angulum efficit planum inclinatum.

Sol-

Solvam

1. **Q**uomodo dato pondere & data distantia tam ponderis, quam potentia ipsam potentiam, 2. vel data utraque distantia & potentia ipsum pondus, 3. vel dato pondere, potentia, & distantia ponderis distantia potentia, 4. vel denique data distantia potentia, ipsa potentia, & pondere distantia ponderis inveniatur. 5. qua ratione libram, 6. & stateram romanam conficere, 7. æ utramque examinare debeamus. 8. qua methodo exploremus, quinam locus e duobus sit altero propinquior centro terræ.

Explicabo

1. **Q**uasdam machinas mechanicas nimirum vestem, 2. stateram, 3. axem in peritrochio, 4. trochleam, 5. planum inclinatum, 6. cuneum 7. ac denique cochleam.

Ex Hydraulica & Hydrostatica.

Definiam.

1. **H**ydraulicam, 2. & Hydrostaticam. 3. fluidum homogeneum, 4. ac heterogeneum. 5. tubos communicantes. 6. tubos capillares. 7. machinam hydraulicam.

Demonstrabo

1. **F**luidum in plano horizontali non moveri, sed quiescere. 2. aquam ex vase per unum tuborum communicantium descendens ex alterius orificio proflire ad eam proxime altitudinem, ad quam in vase ad libellam consistit: 3. eandem tam diu in crus brevius siphonis ascendere, per longius descendere, ac diffuere, quamdiu orificium cruris brevioris aquæ fuerit immersum. 4. fluidum homogeneum in duos canales, seu tubos communicantes infusum in utroque eandem servare altitudinem, sive tubi fuerint ad eundem, 5. aut diversos angulos erecti, 6. sive fuerint æquales, 7. aut inæquales, 8. dummodo non sint capillares, aut in uno puncto nimio convergant. 9. fluida heterogenea in tubis communicantibus ascendere ad altitudines gravitatibus fluidorum proportionatas. 10. corpus gravius in fluido leviori tantum ponderis, seu gravitatis amittere, quantum ponderis habet pars liquidi æqualis cum illo voluminis.

Solvam

1. **Q**uomodo aquam ex uno loco derivemus ad alterum. 2. vel eandem ope globorum coriaceorum, 3. aut cistularum, 4. aut
antliæ

X X X

antiæ prementis, 5. aut cochleæ Archimedis attollamus, 6. qua methodo fluidi cujuscunque gravitatem explorare, 7. aut proportionem inter gravitates específicas duorum fluidorum invenire debeamus.

Explicabo

1. **M**odum ope siphonis e dolio elevandi vinum, aut quodvis liquidum, 2. constructionem instrumenti, 3. ac modum ejusdem ope examinandi quantum v. g. salis humido sit admixtum, 4. methodum conficiendi fontes salientes, 5. & aquæ varias figuras attribuendi, ita ut iridem exhibeat, 6. vel globum æneum concavum sursum attollat, & adinstar pilæ sustineat, 7. vel versus omnes plagas, 8. aut per varias statuarum partes profiliat.

Ex Aerometria & Aerostatica.

Definiam

1. **A**erometriam, 2. & Aerostaticam. 3. aerem. 4. atmosphæram aeris, 5. ejusdem elaterium seu vim elasticam.

Demonstrabo

1. **A**erem esse gravem, 2. elasticum, 3. & compressibilem ad angustius spatium. 4. aerem inferiorem comprimi a superiore, 5. ac aeris compressi elaterium esse æquale ponderi aeris incumbentis. 6. aerem telluri circumfusus 7. esse (per se loquendo) ubique æqualis altitudinis per modum sphaeræ.

Solvam

1. **Q**ua ratione aeris gravitatem indagemus, 2. quomodo aerem rarefacere, 3. aut e campana extrahere, 4. vel condensare possimus.

Explicabo

1. **C**onstructionem antiæ pneumaticæ, 2. Barometri, 3. & Thermometri. 4. usum quorundam instrumentorum ad demonstrandam aeris tum gravitatem tum elasticitatem conducentium.

Ex Architectura militari.

Definiam

1. **A**rchitecturam militarem. 2. Munimentum permanens, 3. & transiens: 4. regulare. 5. & irregulare. 6. varias lineas, 7. angulos, 8. & opera munimenti.

Demon-

Demonstrabo

1. **P**aganum munitionem condidisse Belgica multo robustiorem, 2. eandem tamen suis hinc inde laborare erroribus.

Solvam

1. **Q**uomodo dato numero laterum munimenti angulum centri, 2. & dato angulo centri angulum polygoni inveniamus. 3. qualem locum pro munimentis transeuntibus, 4. aut pro castris satis commodum seligamus, 5. quomodo transitus per vallum in urbem parari debeat.

Explicabo

1. **I**chnographiam munimenti Belgici seu Hollandici, 2. & ichnographiam munitionis Paganianæ. 3. regulas præcipuas, quas circa lineas 4. & circa angulos munimenti artifices inculcant.

Ex Architectura civili.

Definiam

1. **A**rchitecturam civilem. 2. ædificium. 3. fundamentum. 4. contignationem. 5. Symmetriam, 6. & Eurythmiam. 7. ordinem architectonicum. 8. ordinem Tuscanum. 9. Doricum, 10. Jonicum, 11. Romanum, 12. & Corinthium.

Demonstrabo

1. **P**roportiones pro ædificiis optimas reputari, quas numeris minoribus enuntiamus. 2. fundamentum ædificii debere esse solidum. 3. omnem murum perpendiculariter erigendum, 4. ejusque crassitiem per singulas contignationes nonnihil minuendam esse. 5. in omnibus symmetriam exacte observandam esse.

Solvam

1. **Q**ua methòdo ichnographiam ædificii explicare, 2. ac delineare debeamus. 3. quomodo locum pro ædificio seligamus. 4. in eo fundamentum solide ponamus, 5. & muros desuper erigamus,

Explicabo

1. **R**egulas primarias pro quolibet ædificio. 2. observationes ad figuram templorum, 3. turrium, 4. ædium, 5. & conclavium pertinentes. 6. partes principales fulcrorum.

XXX 2

Ex

Ex Algebra.

Definiam

1. **A**lgebram. 2. quantitatem determinatam, 3. & indeterminatam, seu abstractam. 4. quantitatem simplicem, 5. & compositam: 6. uti & complexam, 7. ac incomplexam. 8. quantitatem positivam seu affirmativam, 9. & privativam seu negativam, 10. ac affectam. 11. coefficientem, 12. & exponentem.

Demonstrabo

1. **Q**uantitatem positivam minui, si eidem addatur negativa, 2. negativam vero diminui per additionem positivam. 3. positivam quantitatem augeri subtractione privativam, 4. & vice versa. 5. productum fore positivum, si quantitas positiva per positivam, 6. vel etiam negativa per negativam multiplicetur. 7. negativam vero si negativa ducatur in positivam. 8. e divisione quantitatis affirmativam per affirmativam, 9. vel negativam per negativam prodire quantitatem positivam: 10. privativam vero si positiva per privativam, aut vicissim privativa per positivam dividatur. 11. per subtractionem dissolvi, quidquid per additionem acquiritur, & vice versa: 12. similiter etiam per divisionem destrui, quidquid adest per multiplicationem, & vicissim.

Solvam

1. **Q**uomodo quantitates complexæ, 2. & incomplexæ addantur. 3. qua ratione incomplexas, 4. & complexas subtrahamus. 5. qua methodo quantitatum tam incomplexarum, quam complexarum multiplicatio, 6. & divisio sit peragenda. 7. quo modo algebraice persolvamus fractionum additionem, 8. subtractionem, 9. multiplicationem, 10. & divisionem. 11. qua ratione data summa & differentia duarum quantitatum ipsas quantitates inveniamus. 12. qua methodo data semisumma, ac semidifferentia duarum quantitatum sive majorem sive minorem quantitatem indagemus.

Explicabo

1. **S**igna algebraica. 2. regulas generales pro additione, subtractione &c. 3. ea, quæ veniunt observanda circa coefficientes & exponentes.

Ut in Omnibus glorificetur DEUS.